


# 濟寧州志

九十



DS  
793  
542  
C5532  
1785  
v.6





100  
101  
102  
103  
104  
105  
106  
107  
108  
109  
110  
111  
112  
113  
114  
115  
116  
117  
118  
119  
120  
121  
122  
123  
124  
125  
126  
127  
128  
129  
130  
131  
132  
133  
134  
135  
136  
137  
138  
139  
140  
141  
142  
143  
144  
145  
146  
147  
148  
149  
150  
151  
152  
153  
154  
155  
156  
157  
158  
159  
160  
161  
162  
163  
164  
165  
166  
167  
168  
169  
170  
171  
172  
173  
174  
175  
176  
177  
178  
179  
180  
181  
182  
183  
184  
185  
186  
187  
188  
189  
190  
191  
192  
193  
194  
195  
196  
197  
198  
199  
200



濟寧直隸州志卷九

建置三

兵防

唐咸通中徐州卒龐通之亂兗州發兵守魯橋鎮以備侵佚明永樂時行軍司馬屯兵至十萬尤爲重鎮今河帥所統雖以防河爲專責而鎮守亦賴之以爲重

國朝特設城守一營而河汛亦分其責故皆統于河帥防河之與防城無非捍衛斯民也豈得岐而二之哉



河標三營

○中營中軍副將一員

俸薪蔬菜燭炭心紅紙張共銀三百七十七兩四錢五分

八釐

馬糧十五分

步戰八分

步守七分

都司一員

按原設守備乾隆二十年改設都司俸薪蔬菜等共銀一百四十七兩三錢

九分四釐

馬糧五分

步守五分

千總二員

每員俸薪銀四十八兩

馬糧一分

把總四員

每員俸薪銀三十六兩

馬糧一分

外委千總一員

雍正七年添設外委千總

馬糧一分

步守一分

外委把總二員

馬糧一分

步守一分

馬戰兵八十四名

每名月支銀三兩一錢內除還穀石銀四錢一分每名每月實



支銀二兩  
六錢九分

步戰兵一百四十一名  
每名月支銀一兩七錢五分內除還穀石銀二錢五

釐每名每月實支銀一兩五錢四分五釐

步守兵一百四十六名  
每名月支銀一兩二錢七分內除還穀石銀二錢五

釐每名每月實支銀一兩六分五釐四營城守營同

○左營叅將一員  
按原設遊擊乾隆四十二年姚公立德奏改俸薪蔬菜等共銀二

百四十七兩三錢四分馬糧七分步戰六分步守二分

守備一員  
俸薪蔬菜等共銀九十兩七錢六釐馬糧四分步守四分

千總二員

把總四員



外委千總一員

外委把總二員

馬戰兵九十名

步戰兵一百四十一名

步守兵一百五十四名

○右營遊擊一員

俸薪等與  
叅將同

守備一員

千總二員

把總四員

外委千總一員



外委把總二員

馬戰兵九十二名

步戰兵一百四十一名

步守兵一百五十四名

○濟寧城守營

濟寧城守營都司一員

守備一員

千總一員

把總二員

原設二十四把  
康熙五年裁半

外委千總一員



外委把總二員

馬戰兵五十名

步戰兵一百二十名

步守兵三百六名

以上兵數依今制  
與通志數不同

順治元年因明舊設河營隨總督河道都御史

駐劄濟寧州設中左右三營領以副將遊擊守

備千把每營經制馬步兵一千名專資防河護

運五年添設濟寧城守營經制步兵一千名領

以都司守備千把存城分汛統于河標自順治

六年至康熙六十一年裁撥抽調馬步兵共二



千零三十二名

順治六年調赴廣西兵七十九名十二年裁汰城守營兵四十

四名十三年調赴廣西兵八十四名十五年調赴浙江兵二百三十三名十八年調撥梁山營

兵一百四十七名康熙四年四營共裁兵三百一十名七年裁兵共二百一十九名二十一年

撥兗州營一十名三十年調防中河兵一百四十五名三十四年裁隨丁共二百名四十四五

六七八等年裁兵雍正元年核存四營經制馬共五百六十一名

步兵共一千九百六十八名

內三營共一千五百名城守營四百

六十八年抽馬兵四十七名

內左營十七名中右各十五名歸

江南河標九年增馬步兵一千名

馬二步八中營加馬六十

七步二百二十二左營加馬六十八步二百二十三右營加馬六十五步二百二十三城守營

加步戰兵一百三十二

十三年改撥馬步兵五百名加增



堯鎮

通志

乾隆三十二年河東河道總督李清時奏稱城守差務紛繁較之中左右三營爲尤甚向雖設有馬兵六十六名守兵四百六十八名兵數不少差使足以敷用第查營中定例兵丁由守拔戰由戰拔馬今城守營僅設馬守二糧並無戰餉遇有馬兵缺出卽以守兵越補未免過驟且以四百六十餘名之守兵候拔數十名之馬糧人多缺少往往壅滯其中信有年力強壯漢仗出衆弓箭純熟辦差勤奮之人年久不能得一



馬糧者以致守兵缺出招募餘丁亦甚艱難  
查中營原設戰兵二百七名守兵一百四十三  
名左營原設戰兵二百五十五名守兵一百四十五  
名右營原設戰兵二百七十七名守兵一百四十二  
名均係戰餉多于守餉獨城守營僅設守兵四  
百六十八名並無戰餉營制原未均平應請卽  
在中左右三營內各裁減戰兵四十名共一百  
二十名撥歸城守營管轄差操仍于城守營內  
裁減守兵一百二十名分給中左右三營各四  
十名管轄差操以抵撥出戰兵之數似此通融



互換裒多益寡統計河標並無增兵添餉之項而各營兵數仍復如舊營制適均由守及戰循序遞拔各無壅滯而城守營添此戰餉可以鼓勵戎行招募亦易于營伍差務似有裨益兵部議准

○各河防汛

自江南徐州界起至張秋鎮止

左營分防漕河十四汛南自辛莊橋接江南徐州營界牌起北至濟寧城守營韋馱廟界牌止計河程一百五十里徐家口堡馬家口堡邢莊舖堡利建舖堡南陽舖堡以上五汛係魚臺縣河道駐防



馬兵三十二名步兵一百九十六名棗林牐魯橋  
堡師家莊仲家淺牐新牐新店牐石佛牐趙村牐  
關南頭以上九汛係濟寧州河道駐防馬兵一十  
八名步兵一百五十四名其餘馬步兵存城

通志

城守營分防漕河七汛南自關南頭韋馱廟接左  
營界牌起北至中營小長溝界牌止計河程五十  
一里韋馱廟三官廟濟安臺以上三汛係本州河  
道駐防步兵二十一名安居臺一汛係濟寧衛河  
道駐防步兵八名通濟牐堡白嘴臺小長溝以上  
三汛係鉅野縣河道駐防步兵二十一名其餘馬



步兵存城

全上

中營分防漕河十六汛南自小長溝接城守營界  
牌起北至右營王仲口界牌止計河程八十六里  
半小長溝係鉅野縣河道駐防步兵七名大長溝  
堡寺前牖堡孫村臺堡以上三汛係嘉祥縣河道  
駐防馬兵八名步兵五十名柳林牖堡南旺堡十  
里牖堡劉老口臺袁家口牖堡王老口臺張八老  
口堡靳家口牖河西堡以上九汛係汶上縣河道  
駐防馬兵五十名步兵二百三十八名靳家口河  
東堡花園頭臺王仲口堡以上三汛係東平州河



道駐防馬兵八名步兵五十五名其餘馬步兵存

城上

右營分防漕河十二汛南自玉仲口中營界牌起  
北至張秋接壽張營界牌止計河程七十八里王  
仲口臺長張口臺界牌臺安山臺十里舖臺防河  
臺裕國臺戴家廟以上八汛係東平河道駐防馬  
兵二十六名步兵二百零七名壯猷臺濟臺以  
上二汛係壽張縣河道駐防步兵四十四名沙灣  
係東平壽張東阿三州縣河道駐防步兵四十五  
名張秋鎮汛係陽穀壽張東阿三縣河道駐防馬



兵一十四名步兵五十三名其餘馬步兵存城

○明舊制附

永樂十八年遣行軍司馬提馬步兵十萬守濟  
寧正德以後定遣都御史奉勅行事隆慶四年  
加提督軍務銜轄南北直隸河南山東各兵備  
道皆聽調遣

通志

濟寧道標徭募兵二百名天啓二年蓮妖之亂  
總河部院陳道亨題設濟寧營兵三千以標中  
軍統之陞守備爲遊擊護運防河劄委中軍千  
總一員前後左右哨千總四員天啓六年總河



李從心題改爲副總兵崇正九年總河周鼎題  
設欽依中軍守備一員十四年山東土賊作亂  
總河張國維提督徐臨通津四鎮防護漕運題  
增馬步三千名分左右兩營副總二員中軍守  
備二員千總八員騎營叅將一員火營遊擊一  
員旗鼓叅將二員提塘都司一員以上營將兵  
丁馬匹俱題定山東河南淮揚等處河餉正額  
錢糧支給

舊志

濟寧兵備道分駐濟寧州以叅政副使等官奉  
勅行事前明嘉靖間漕河淤塞添設河道副使



一員兼管鹽法駐劄濟寧隆慶六年提督軍門  
兵部左侍郎萬恭奏加兵部職銜○曹沂二道  
所統配之沿河一帶軍衛有司俱屬節制管河  
如故所屬州一縣三曰濟寧曰魚臺舊屬沂道  
曰汶上曰寧陽舊屬曹道衛一曰濟寧衛今裁  
兵備道設濟寧道專司河務

兗州府舊志

○民兵

本州有馬快手八名工食銀一百三十一兩五錢  
五分三釐民壯三十五名工食銀二百五十六兩

賦役  
書



舊制有馬民兵十五名步隊民兵二十一名有馬快手十八名步隊民壯四十三名守城民壯八十

名

兗州府志

舊魯橋巡檢司

明屬沂州兵備道

弓兵二十名

國朝將明設道標兵悉裁歸營弓兵並革全上

○演武場附

演武場在城東寨河外正堂四楹左右鼓吹亭後

堂三楹左右廂房

舊志

旗臺中軍將臺俱砌以磚總河楊方興創建全上

○濟寧衛



掌印守備一員管河千總二員更番管河前稍領運

千總二員更番領運隨稍官一員押空旗丁一百五十名

後稍領運千總二員更番領運隨稍官一員押空旗丁一

百八十五名任城衛裁留千總二員更番領運隨稍

官一員押空旗丁四十七名兗州府志下全

明制世職指揮千戶百戶及部選經歷鎮撫等

官

國朝悉裁改今制又裁任城歸併本衛隸齊州府順

治中有土官百總之名不知何時革去



○金鄉縣

兗州鎮曹州營分防金鄉縣汛把總一員馬兵六

名步兵三十五名

兗州府志

有馬快手八名工食銀一百二十四兩五錢三分

五釐民壯二十八名工食銀二百二十四兩

○嘉祥縣

兗州鎮中營分防嘉祥縣汛外委把總一員馬兵

五名步兵三十一名滿家碇千總一員兵四十三

名

府舊志滿家碇營守備把總各一員馬戰兵六十名守兵二百九名官馬六十匹官備馬六匹

有馬快手八名工食銀一百二十四兩五錢三分



五釐民壯三十二名工食銀二百五十六兩

○魚臺縣

沙溝都司營分防魚臺縣汛外委把總一員馬兵二名步兵一十九名

有馬快手八名工食銀一百二十五兩五錢七分  
三釐民壯三十五名工食銀二百八十兩



驛遞

明制凡郵傳送迎及舟車夫馬廩糧庖饌裯帳之供皆驛丞主之凡遞送糧物囚徒有遞運所大使副使主之州當水陸之會故並設焉而衝僻之勢今昔不同驛遞之設亦漸裁減在昔郵政之繁以州爲最舊志獨缺焉今詳悉其因革之由以備掌故至于站地馬種之征雖歸正賦亦當時得失之林也故以附焉

南城本水驛明洪武五年建舊設驛丞在埧口南河之西明時亦設馬及驢



國朝順治初僅設馬一匹其後亦裁分里甲馬以屬之歷年以來又復酌減乾隆七年汰驛丞以驛屬州合而爲一然猶存南城驛馬之名現走遞馬一十八匹草料連閏銀三百三十四兩馬夫四名工食連閏銀四十九兩六錢鞍屉棚廠槽鑣等銀二十兩四錢六分六釐裁留水夫一百六十一名工食連閏銀一千六百六十三兩四錢六分八釐有奇水夫二百三十名工食銀二千三百七十兩三錢八分三釐內裁去六十九名餘存留水夫工食銀以備臨時僱役又舊有庫子館夫今無



乾隆三十五年正月濟寧州知州胡德琳謹呈  
南城水驛原額水夫二百三十名共工食銀二  
千三百七十六兩三錢八分三釐雍正十一年  
奉文減夫六十九名工食銀七百一十二兩九  
錢一分五釐所減銀兩應付差務船價及額外  
僱夫動用餘剩批解現在水夫一百六十一名  
共工食銀一千六百六十三兩四錢六分八釐  
乾隆三十四年准太僕寺少卿范條奏水站  
夫役原爲應付差使而設運河皆於十月煞填  
興挑次年二月初開填鋪水行船計四月之久



既無差船往來水驛錢糧盡屬虛設請行裁減以歸實用嗣經撫臣奏東省沿河各驛額設水夫向例長養在驛按季給發工食並非計日零給該夫役均係附近無業窮民每名每日僅支工食二分七厘本不敷用因長年給與工食伊等閒空卽在河干尋趲添湊餬口是以長養在驛從不走散遇有差使卽可隨時應付若以煞填之期卽將各驛工食裁減此等窮役不能枵腹守候勢必四散各自謀生一遇開填之時另行募充一時驟難齊集倘有要差臨境必致



貽悞且定例東省煞坝之期以十一月爲始開  
坝以南漕船隻頂臺莊爲準並非十月煞坝二  
月開坝覆 奏奉

旨所奏是東省水夫工食難于裁減該撫旣將實在情  
形入告自毋庸瑣屑裁扣使窮民口食拮据轉致貽  
悞公事所有德州等十四處水驛人夫工食毋庸扣  
裁之處著照該撫所請行

文案

○舊款

南城驛庫子三十名每名四十六兩共該銀一  
千三百八十兩徭編館夫三名每名九兩共該



銀二十七兩徭編原編水夫二百六十六名隆  
慶四年改編二百五十名比舊減一十六名每  
名銀一十六兩共該銀四千兩除扣過關鋪陳  
船料銀外水夫實領役銀共三千兩內本州一  
百二十名金鄉縣二十名沂水縣六十六名莒  
州五十名續添水夫隆慶五年將濟寧州遞運  
所裁革原編夫役量添本驛一百七十名內濟  
寧州四十二名四分六釐八毫七絲五忽泗水  
縣七名五分三釐二絲五忽費縣五十四名六  
分五釐六毫諸城縣一十九名六分七釐七絲



五忽萊蕪縣二十一名三分二釐七毫七絲五  
忽新泰縣一十九名六釐九毫糧簽水夫八名  
每名每年赴布政司領工食銀一十兩支應每  
年水夫扣幫鋪陳船料銀二百一十兩扣幫過  
關銀共一千四百七十兩解濟寧州貯庫按月  
放支餘剩銀兩候閏月奏支 又舊有城東康  
莊二驛蓋明初南北大道由鄒至濟由濟至汶  
不經府城故也其後路多東出故濟寧馬驛俱  
裁乃於南城水驛設馬一十二匹驢二十六頭  
馬有正副驢以馬易隆慶四年議者以濟爲水



路之衝將馬裁革以致陸行者深稱未便旋議  
復馬一十四匹驢九頭馬仍正副驢仍買馬比  
舊減一十三匹走遞不敷後該本府通判包大  
燿議將驢量增一十三頭易馬一十三匹查取  
泰安壽光等州縣原編驢工食銀每頭二十四  
兩解赴本州發驛以復原額之舊

國朝額設庫子十名除裁存五名每名工食銀四十  
六兩共銀二百三十兩館夫三名除裁存二名  
每名工食銀九兩共銀一十八兩水夫三百四  
十六名半除裁存三百二十三名二分五釐又



復二分每名連閏歲該工食銀十兩三錢三分  
四毫有奇共銀三千三百三十九兩九錢五分  
九釐有奇供應中伙支銷除裁扣存銀二百二  
十五兩馬二十三匹除裁扣連閏存草料銀六  
百四十兩七錢馬夫六名半每名連閏歲該工  
食銀一十二兩四錢共銀八十兩六錢鞍屢棚  
廠槽鑱等項銀二十九兩三錢六忽以上原設  
銀五千四百八十三兩內除裁扣銀九百一十  
八兩四錢三分九釐有奇歸入起運外實存銀  
四千五百六十四兩五錢六分

竟州府  
舊志



驛站順治十一年六月內兵部題明查明驛站  
衝僻以均協濟議設南城驛馬一匹草料銀三  
十六兩馬夫一名工食銀一十二兩水夫一百  
七十名每名工食銀十兩該銀一千七百四十  
八兩每年攤派閏月銀五十八兩二錢六分六  
釐六毫鞍雇棚厰槽鑱等項銀七錢三分三釐  
有奇供應中伙廩糧館庫館夫銀五百九十四  
兩共銀二千四百一兩除荒實徵銀一千三百  
八十九兩七錢三分五釐有奇

舊志以上  
並舊款

里甲走遞馬三十二匹草料連閏銀五百九十五



兩二錢馬夫十八名半工食連閏銀二百二十九兩四錢抄馬牌子工食連閏銀二十四兩八錢行差白夫八十名工食連閏銀九百九十二兩鞍雇棚鋤等銀三十六兩三錢八分四釐供廩銀二百七十三兩五錢

按里爲里長甲爲甲首前代費出民間故耳今則支銷正賦而猶沿其名然其馬謂之長生馬有倒斃者官自買補不與驛馬同

里甲走遞青夫一百三十二名每名工食銀八兩走遞白夫二百四十名每名工食銀一十二



兩走遞馬九十匹每匹草料銀二十四兩損頭

銀三百兩以上共銀六千三百九十六兩

舊志明時

舊額

里甲夫馬順治十一年六月兵部題明驛站衝

僻以均協濟議設走遞馬八十匹每匹草料銀

三十六兩該銀二千八百八十兩照五年二閏

扣算每年攤派閏月銀九十六兩共銀二千九

百七十六兩內除金鄉縣撥協馬十匹工食連

閏銀三百七十二兩外實編銀二千六百四兩

除荒實徵銀一千五百七兩二錢三分五釐



奇 走遞馬夫四十名每名工食銀一十二兩  
該銀四百八十兩每年攤閏月銀一十六兩共  
銀四百九十六兩除荒實徵銀二百八十七兩  
九分二釐有奇 走遞白夫二百二十名每名  
工食銀一十二兩該銀二千六百四十兩每年  
攤閏月銀八十八兩共銀二千七百二十八兩  
除荒實徵銀一千五百七十九兩八釐 走遞  
青夫八十名每名工食銀八兩該銀六百四十  
兩每年攤閏月銀二十一兩三錢三分三釐共  
銀六百六十一兩三錢三分三釐除荒實徵銀



三百八十二兩七錢八分九釐 撥馬牌子三名每名工食銀一十二兩該銀三十六兩每年攤閏月銀一兩二錢共銀三十七兩二錢除荒實徵銀二十一兩五錢三分一釐 抄馬牌子二名每名工食銀一十二兩該銀二十四兩每年攤閏月銀八錢共銀二十四兩八錢除荒實徵銀一十四兩三錢五分四釐 鞍屉棚廠槽鏹等項銀八十兩內除金鄉縣撥協銀三十二兩一錢三分七釐外實編銀四十七兩八錢六分二釐除荒實徵銀二十七兩七錢三釐

舊志康熙



初年  
額

歷年裁減考康熙十三年裁里甲馬十匹馬夫  
五名共工食草料銀四百三十四兩歸併沂州  
編徵支給李家莊驛十四年裁里甲草料減半  
銀一千一百十六兩供廩銀五百四十七兩里  
甲馬夫五名工食銀六十二兩中伙減半銀二  
百二十五兩俱歸丁地起運又裁青夫八十名  
銀六百六十一兩三錢三分有奇館庫十名銀  
四百六十兩館夫二名銀十八兩十五年又裁  
白夫二百二十名工食連閏銀二千七百二十



八兩南城驛水夫四十六名半工食銀四百八十一兩七分九釐有奇裁驛馬草料減半銀四百二十七兩八錢又裁中伙減半銀二百二十五兩歸于地丁二十年里甲草料及馬夫工食及供廩及青夫南城驛草料及水夫館庫館夫皆准復一半雍正三年裁撥馬牌子三名工食連閨銀三十七兩二錢水夫九十三名二分半工食銀九百六十三兩五錢七分六釐有奇中伙銀一百二十八兩二分九釐有奇又雍正五年裁館夫二名工食銀十八兩六年減白夫三



十名工食連閏銀三百七十二兩又裁里甲馬  
二十三匹草料連閏銀六百四十一兩七錢馬  
夫十一名半工食連閏銀一百四十二兩六錢  
又裁青夫四十名工食連閏銀三百三十兩六  
錢六分有奇又裁館庫五名工食銀二百三十  
兩又裁中伙銀四十八兩五錢八分五釐歸起  
運雍正十一年裁水夫六十九名工食連閏銀  
七百一十二兩九錢一分五釐所減銀除額外  
僱夫並巡漕船隻動用餘剩批解十二年又裁  
里甲馬匹草料連閏銀三百四十四兩一錢鞍

雇棚廠槽鑣等照河例每馬一年支銀一兩一錢三分七釐裁銀五兩七錢九分三釐有奇裁南城驛馬匹草料連閏銀二百一十三兩九錢鞍雇等銀三兩一錢四分九釐有奇歸起運乾隆二十四年減里甲馬五匹馬夫二名半減南城水驛馬五匹馬夫二名半裁夫馬工料等歸起運銀二百五十九兩三錢七分二十九年奏明借司庫銀一百兩買補復額馬十匹差竣照數變價解司歸款所需工料銀兩領回還項訖



○黃敬璣言夫役疏掌山西道事雲南道監察御史臣黃敬璣謹題爲敬陳沿河地方夫役之苦仰祈

睿鑒事竊惟沿河一帶地方兵船不時往來勢必用民夫拽絙若各官爲國爲民實心任事在百姓不過用一日二日之力必且樂于急公有何苦累乃近來派夫官吏不惟不恤民隱或反乘以爲利以致積弊多端民之苦累有不可言者臣請爲我

皇上陳之從來夫有定額乃有司一遇用夫每每多派數

倍通同蠹役私折銀錢官役分肥鄉愚無知不  
得不聽其魚肉此僉派時之苦也船隻未到州  
縣惟恐臨期有悞或十日半月之前將夫拘齊  
盈千累百鎖禁寺廟之中寒天有凍餒之憂暑  
天有疫癘之患其間有離家二三十里者有離  
家五七十里者家屬餽送飯食以致農務盡廢  
此守候時之苦也及船隻一到各船水手如狼  
如虎凌虐百端或逼索銀錢或奪其口糧稍不  
如意鞭棍交加此拽船時之苦也若前途有充  
更換尚可早回萬一前途夫役不齊卽將已



之夫遠送百餘里或二三百里不等各夫糧米已盡枵腹奔走往來乞貸無門此過站時之苦也或本處苦累已極又派隣近州縣解夫協濟然每每延挨不前或反爲不肖之官折銀入己者有之徒飽貪官之腹究無救于沿河之民將來沿河一帶地方田荒民逃有不可知者矣伏祈

天語申飭各官嗣後兵船經過大張告示船若干隻用夫若干名令小民輪流應役其隣近州縣作何協濟務裨實用如有多派折銀等弊道府卽揭報

督撫題叅治罪仍請

勅下部臣發滿漢字義告示張掛河干不許各船水手凌虐需索庶夫役樂于急公是亦蘇息民困之一端也如果臣言不謬伏祈

勅部議覆施行康熙四年四月初二日奉

旨該部議奏

○黃敬璣言河工私稱夫役疏臣黃敬璣謹題

爲河夫之工食原有定額小民之私稱相沿未

除乞

勅部酌議以紓民困事我



皇上軫念民間疾苦令諸臣切實指奏臣有所見敢不爲

我

皇上陳之

臣惟沿漕河一帶州縣各設撈淺夫及廂夫等

項歲有常額載在經制原與州縣青白夫轎傘

夫等項相同各有額設工食例應官爲僱募不

當派之里下者也自故明以來從無私稱之說

後來名爲僱募而里民每名私稱銀二三十兩

不等各官避加派之名不肯定其數目以致夫

役恣意勒索相沿十數年來小民之苦累不可

勝言則疾苦誠莫甚于此矣

臣

思州縣青白等

夫俱係官募未聞悞事何獨于撈淺等項苦累  
小民至于此極耶雖曰民間私幫官吏未嘗染  
指然既有額設工食何爲私幫如此其多耶伏  
乞

天語嚴飭凡夫役工食不許州縣剋減不許衙役侵漁不

許夫頭扣除俱令官爲僱募勿得累及小民每  
年取里下無私幫甘結一紙申報河督存案凡  
州縣于經制之外或有添設無益之夫盡行裁  
去以寬民力則苦累可少蘇矣至夫軫恤夫役  
又有道矣聞知沿河一帶俱有河灘土地舊例



給夫耕種以爲餬口之資因前任河督禁止  
棄此膏腴徒爲可惜實無益于水利也今請

勅下河臣從長酌議每夫量給若干畝免其賦稅則招募  
之夫盡成土著之夫而小民私租之害可永杜  
矣如果臣言可採伏乞

睿鑒施行康熙八年六月奉

旨該部議奏

○附考

康莊驛在城西北五十里

明孟陽重過康莊驛詩汶上初弦月康莊茲再

行孤心天外繫白髮道邊生雪草交湖跡風沙  
鬪馬鳴遙憐清濟色未肯濯塵纓

城東驛在城東泗水橋西

舊置二驛今俱廢

方輿紀要

按城東驛舊志曰東關馬驛泗水橋亦曰馬  
驛橋

魯橋驛遞運所

穀亭驛遞運所

南城驛遞運所

河橋驛

河橋驛水夫四十八名每名工食銀一十兩  
銀四百八十兩每年派閏月銀一十五兩



有奇攤派本驛水夫工食銀四兩九分一釐有  
奇供應中伙廩糧館庫館夫銀二十一兩共銀  
五百二十一兩除荒實徵銀三百一兩五錢六  
分二釐八毫 代編陽穀荆門驛供應中伙廩  
糧館庫館夫銀四十六兩除荒實徵銀二十六  
兩六錢二分五釐五毫 濟寧州駐劄供廩銀  
四十八兩除荒實徵銀二十七兩七錢八分有  
奇 編剩銀四十兩順治十一年兵部 題明  
備買各驛倒斃馬匹除荒實徵銀二十三兩一  
錢五分二釐六毫 均剩銀四十兩順治十一

年兵部 題明備買各驛倒斃馬匹除荒實徵

銀二十三兩一錢五分二釐六毫

舊志

○徐標驛馬河夫苦累疏奏爲臣鄉驛馬河夫之擾苦累難堪懇乞聖明軫察嚴禁事臣奉保撫之命道過里門有父老數十人擁臣馬首泣訴濟寧驛遞馬黃河夫之累臣詢其故皆曰走遞驛馬撥派民間喂養遇有差使則僱人跟馬索詐鞭笞痛不忍言一馬斃則一里賠補日有倒斃則日有賠補是無底之壑也至於黃河夫其苦尤甚濟寧去黃河三百餘里夫役簽派里下



俱係百姓帮貼盤費食用必不能繼勢必逃走  
一夫逃則一夫補捉逃之令未已而補夫之役  
及門小民終歲遑遑無一息安枕是剜肉之計  
也臣聞之相顧泣下臣鄉比歲旱蝗瘟疫人死  
過半卽僅存子遺亦皆室如懸磬且當水陸孔  
道公私煩費絡繹如雨何堪此重困乎况驛遞  
馬自有額設錢糧官爲喂養倒斃亦宜官爲買  
補何至獨累里民黃河夫定有額設夫食自宜  
募派近河州縣方免逃補之患何至遠派濟寧  
徒令民間賠累臣恭覩我皇上愛民如子遐隱

皆周堯舜在上豈忍一方有向隅之民乎懇乞  
聖明俯念濟寧民困已極天語申飭將此苦累  
嚴行禁革庶涸轍少甦莫不戴皇上如天好生  
之仁矣奉旨徐標奏河夫驛馬苦累小民恐不  
獨濟寧爲然著通行各督撫嚴行禁革違者叅  
來重處該部知道

舊制編派規則總例

原編上馬每匹額編站銀八十兩明嘉靖四十  
四年加站銀四十四兩共銀一百二十四兩內  
扣鋪陳銀一十四兩給役銀一百一十兩中馬



每匹額編站銀七十兩嘉靖四十四年又加站  
銀四十二兩共銀一百一十二兩內扣鋪陳銀  
十二兩給役銀一百兩下馬每匹額編站銀六  
十兩嘉靖四十四年又加站銀三十八兩共銀  
九十八兩內扣鋪陳銀八兩給役銀九十兩隆  
慶四年將上中下馬一例編爲中馬每匹編站  
地八十頃每頃徵銀一兩共徵銀八十兩內每  
年扣鋪陳銀一兩支應銀十兩實給役銀六十  
九兩每匹令出副馬一匹隨帶聽差

寬州府舊志下全

原編騾一頭站地二十五頃該銀二十五兩每

年扣支應銀三兩鋪陳銀一兩實支役銀二十  
一兩隆慶四年將各驛驢頭查並爲馬每驢一  
頭仍編站地二十五頃該銀二十五兩內除鋪  
陳銀五錢支銷銀三兩實給役銀二十一兩五  
錢<sub>全上</sub>

原編水夫每名站地二十頃每頃銀一兩正副  
戶加倍頭銀四兩共銀二十四兩內扣鋪陳船  
料銀二兩又除過關銀十兩實給役銀一十二  
兩隆慶四年改編水夫每名站地一十六頃共  
銀一十六兩內扣鋪陳船料銀五錢過關銀三



兩五錢各所夫扣過關銀二兩坐支銀一兩五

錢鋪陳銀五錢實給役銀一十二兩俱徵銀解

府州縣庫以募役應當放支

上全

車夫原編車夫每名站地九頃正戶加陪頭銀  
四兩共銀一十三兩隆慶四年改編每名站地  
十頃每頃徵銀一兩共銀一十兩比舊減三兩

上全

帮貼舊規江南糧僉馬匹水夫每年解山東布  
政司發與各驛後因拖欠數多催徵不到議定  
不拘江南銀兩有無解到布政司走攢那給每

匹銀一十八兩夫每名銀十兩二次支給每土  
民馬一匹帶養一匹仍于土民站銀每匹幫貼  
一兩銅城臨城等十驛共馬三百六十二匹該  
幫貼銀一千八百九十六兩荆門河橋等五驛  
共夫一百五十二名<sub>上全</sub>

站地

濟寧原額入站地三千二百四十頃每頃折站  
地九十畝共折地二千八百二十六頃實徵銀  
二千八百二十六兩 本州南城水驛水夫一  
百二十名每名站地十六頃共地一千九百一



十頃 本州遞運所水夫五十六名六分二釐

五毫每名站地十六頃共地九百六頃

兗州府舊志

曲阜縣代編濟寧州遞運所水夫七名六釐三

毫每名站地一十六頃共地一百一十三頃

泗水縣濟寧州遞運所水夫一十九名三分七

釐五毫每名站地一十六頃共地三百一十頃

金鄉縣濟寧州南城水驛水夫二十名每名

站地一十六頃共地三百二十頃 城武縣濟

寧州遞運所水夫二十一名六分二釐五毫每

名站地一十六頃共地三百四十六頃 曹州

濟寧州遞運所水夫二名二分九釐六毫每名  
站地一十六頃共地三十六頃七十四畝 沂  
州濟寧州遞運所水夫六名三分七釐五毫每  
名站地一十六頃共地九百九十八頃 費縣  
濟寧州遞運所水夫七十二名八分七釐五毫  
每名站地一十六頃共地一千一百六十六頃

全上



○金鄉縣

里甲夫馬等項現存馬三匹草料銀五十五兩八錢驢一頭草料銀九兩三錢馬夫二名半工食銀三十一兩白夫五名工食銀六十二兩鞍屉棚槽等銀三兩九錢七分共銀一百六十二兩七分

○嘉祥縣

里甲夫馬等項原銀三百二十兩二錢六分除裁減外現存馬七匹草料銀一百三十兩驢一頭草料銀九兩三錢馬夫四名工食銀五十五兩八錢鞍屉棚槽等銀八兩五錢二分白夫五名半工食

銀六十八兩二錢共銀二百七十二兩二分

兗州府志

○魚臺縣

河橋水驛在舊縣東三十里北至本州城南水驛

四十里南至兗州府嶧縣萬家莊水驛四十里本

驛水夫二百三十名工食銀二千三百七十四兩

八錢八分供應中伙廩糧支銷銀四十八兩三錢

八分

兗州府志下全

舊設沙河魯橋二水驛明嘉靖四十五年併爲

河橋驛移於穀亭鎮適中北至濟寧州南至沛

縣俱九十里又將沙河遞運所亦歸併爲穀亭



遞運所隆慶五年運河挑成復將驛地改設南陽仍名河橋驛濟寧穀亭遞運所俱裁舊編水夫分配各水驛今河橋驛乃魯橋沙河及穀亭

遞運所併而爲一也

兗州府舊志

里甲夫馬等項原銀四百一十七兩七分除裁減外現存馬五匹草料銀九十三兩驢二頭草料銀一十八兩六錢馬夫四名工食銀四十九兩六錢鞍屨棚槽等項銀六兩八錢二分白夫一十五名工食銀八十六兩共銀三百五十四兩二分

寧遠縣志

卷九



○馬政附

明洪武初年令民戶養馬久之設羣牧監養馬二十八年裁革監施令有司提調孳牧永樂初年設太僕寺寺丞十二員分駐外郡分管種馬府置通判一員州置判官縣置丞或簿各一員衛指揮所千戶或百戶各一員皆專主馬政宣德四年令山東濟南兗州東昌三府領養孳生馬每五丁養騾馬一匹三丁買兒馬一匹不免糧草山東之民自是始困成化六年奏定兩京太僕寺種馬額數共十二萬五千匹每二年照例納駒更不搭配於內

揀選備用及補種馬之闕其餘賣銀貯庫遇備不  
敷量支買補北直隸七府免糧養馬每地五十畝  
領兒馬一匹百畝養騾馬一匹山東濟兗東三府  
計丁養馬每五丁領兒馬一匹十丁領騾馬一匹  
丁差田糧俱不得免嘉靖二十一年沂費邳滕州  
縣旱澇蝗蟲爲災將備用馬匹改徵折色每匹徵  
銀二十四兩行之九年民困稍蘇四十二年將兗  
州府所屬州縣全改折色東人稍蒙其惠

兗州府舊志

順治元年更令改折每匹折色二十四兩本色二  
十五兩其改折價銀州縣衛所照前明萬歷年丁



地原額派徵解京充餉二年不論本折每匹徵銀三十兩遂爲例五年以前各項錢糧總歸戶部六年以後仍著各部等分管康熙五年兵餉匱乏定馬價新增之令三年盡裁歸地丁<sub>全上</sub>

馬價原額備用馬共一百四十一匹內該本折兼派頭運本色馬二十匹每匹徵銀三十兩共銀六百兩改折馬四匹每匹徵銀三十兩共銀一百二十兩外扣盤鞴銀九錢六分折色馬四十七匹每匹徵銀二十四兩共銀一千一百二十八兩外扣盤鞴銀九兩二分四釐<sub>全上</sub>

太僕寺寺丞書辦工食銀五錢 扣留本年頭運

餘剩馬價銀六十六兩外加盤鞘銀五錢二分八

釐 二運本色改折馬三十五匹每匹徵銀三十

兩共銀一千五十兩外加盤鞘銀八兩四錢 折

色馬三十五匹每匹徵銀二十四兩共銀八百四

十兩外加盤鞘銀六兩七錢二分 變賣種馬草

料銀五百一十九兩七錢九分三釐有奇外加盤

鞘銀四兩一錢五分八釐

舊志明  
時舊款

兵部折色起運 馬價備用馬本折共一百四十

一匹每年派本色七十匹每匹徵銀三十兩折色



七十一匹每匹徵銀二十四兩順治二年定本折  
俱徵銀三十兩共扣銀四百二十六兩共該銀四  
千二百三十兩除荒實徵銀二千四百四十八兩  
三錢八分九厘脚價銀三十三兩八錢四分除荒  
實徵銀一十九兩五錢八分七釐 種馬草料銀  
五百一十九兩七錢九分三釐除荒實徵銀三百  
兩八錢六分四釐脚價銀四兩一錢五分八釐除  
荒實徵銀二兩四錢六釐馬場租銀一十三兩七  
錢八分除荒實徵銀七兩九錢七分六釐脚價銀  
一錢一分二毫除荒實徵銀六分三釐

舊志順治十四年經

制條  
例

兵部項下太僕寺馬價銀二千四百六十七兩八

錢八分有奇

舊志康熙初額例

種馬草料銀三百三兩二錢五分一釐有奇馬場

租銀七兩九錢七分六釐有奇

全上



舖舍

總舖司一名兵七名在州治東宮村舖司一名兵

四名

全下

在城東十里塔口舖在城東二十里孫氏

舖在城東北三十里相里舖在城北十里徐龍舖

在城北二十里房葛舖在城北三十二里司徒舖

在城北四十里賈氏舖在城西十里曹井舖在城

西二十里橫道舖司一名兵一名

全下

在城南二十

里姚莊舖在城南三十里孫家店舖在城西南四

十里大翟舖在城西二十里周村舖在城西南二

十八里大河舖在城東十里河長口舖

一名小在河舖

城西南二十八里司每名工食銀七兩二錢兵每

名工食銀八兩四錢共五百六十兩四錢八分又

運河道鋪兵二名工食銀十二兩四錢

賦役書

濟寧州遞鋪一十七處司兵六十九名歲支工

食銀五百七十二兩八錢八分

通志

金鄉縣鋪舍九處司兵二十二名縣前鋪東十里

永豐鋪

達魚臺

縣治南西留鋪三十里降林鋪

達單縣

西十二里葛村鋪三十里東大鋪

達城武

北十里義

樓鋪二十里黃南鋪三十里魚山鋪達本州

兗州府志

參縣

志



○嘉祥縣舖舍原十一處今併爲三處司兵十一名

縣前舖東十里興龍舖縣西十里麟遊舖縣西三

十五里上全

○魚臺縣舖舍三處司兵九名縣前舖陳家集舖縣

西十里舊在柳店今移此秦堦舖縣西北二十里上全

濟寧直隸州志

卷九



濟寧直隸州志卷十

建置四

壇廟

傳曰民神之主也古者聖王先成民而後致力於神明初頒祭法於天下令郡邑皆立風雲雷雨山川社稷之壇以城隍神配食

國朝因之而我

世宗憲皇帝之四年令郡邑並祀先農復古藉田之禮蓋有土之責治民事神盡之矣然非忠於民者其能信於神乎至有濟之祀其來已久而漕河百

泉之神典禮所宜祀者皆列于壇社之後其附祀學宮者不贅若夫不在祀典及雖在祀典而非境內之山川又不若漢前將軍爲令典之所通祀者皆以列于寺觀云

社稷壇在州西門外洪武七年濟寧府知府趙好德建水衝圯壞康熙十二年知州廖有恒重築

舊志

下全者  
省注

明洪武元年頒壇制於天下郡邑俱設於本城西北右社左稷十一年定同壇合祭里社每里

一百戶立壇

所祀五土五穀之神

明史  
禮志



風雲雷雨山川壇在南小門外西南一里

明洪武二年濟寧府同知劉大昕建

兗州府舊志

風雲雷雨山川城隍之神共一壇設三神位風

雲雷雨居中山川居左城隍居右與社稷壇皆

每歲春秋仲月上戊日致祭

會典

先農壇在東門外雍正四年知州馮慶長建

文案

雍正四年八月奉

旨通行直省府州縣於該地方擇東郊潔地照九卿所耕

耨田四畝九分之數建壇自雍正五年爲始每

仲春亥日府尹督撫及府州縣等官率所屬之

員及耆老農夫恭祭先農之神照九卿耕藉行  
九推禮其所收米粟敬謹收貯以供祭祀粢盛

會典

城隍廟在州治之東北洪武二年濟寧府同知劉  
大昕建萬歷四十年重修中有古栢大槐崇正十  
六年大門燬于火濟寧道副使楊毓楫倡始里人  
陳宸法等重修

國朝乾隆三十四年邑人程鑑明史擎玉等重修舉

人秦燦有記勒石

府舊志志參舊志及碑記

明陳伯友修城隍廟記略國初封天下城隍而



公侯伯異爵時爲濟寧府故神爲威靈公後改  
府爲州而名號仍舊其有廟不知創于何時後  
屢修各有記萬歷四十年又就圯鄉民張尚賢  
等結社糾財謀新之而郡伯唐公亦捐俸二十  
金爲帥于是合郡之好義者願施頗多至是落  
成乃屬予爲記

海鷗  
居集

### 邑厲壇在城北關天妃閣東角

明洪武初定制歲以清明及十月朔日致祭設  
城隍神于壇上無祀鬼神等位于壇下之東西  
府州祭郡厲縣祭邑厲設壇城北里社祭鄉厲

後定以清明日七月十五日十月朔日明史禮志

八蜡廟在城東寨河外舊有廟頗高敞後圯壞今

碑記尚存

劉猛將軍廟在曾坑嵯雍正二年奉文建採訪

吾鄉俞日絲先生名顯明季秀水人有野廟九歌其一

為劉猛將自序云司蝗之神也蝗背有孔神嘗

貫之以繩不使妄為害歌云蝗東飛東州處處

青苗稀蝗西下西州禾盡餘赤野民皇皇為蝗

哀蝗之為烈真皇哉將軍掌蝗氣雄嶄千群梵

字一繩貫廣陵有馬稜我蝗自遠竄中在在



恭我蝗自四散或朱軒而鵠鵠或高冠而沐猴  
我蝗聊復從若游按劉猛將之列在祀典自雍  
正二年始從直隸總督李維鈞之請也或云曾  
封中天王然神之諱傳聞不一姑蘇志以爲宋  
武穆公錡之弟銳弱冠成神或云元指揮吳川  
劉公承忠見饒陽縣志本泰州牧唐君扶鸞錄而以爲武  
穆者居多堅瓠集載怡菴雜錄宋理宗景定四  
年三月八日敕略云邇年以來飛蝗犯境賴爾  
神力掃蕩無餘爾故提舉江州太平興國宮淮  
南江東浙西制置使劉錡今特勅封爲揚威侯

天曹猛將之神似爲可據然今廟貌皆爲弱冠  
之容未知何故

盛百二楸  
堂筆談

按蘇州府志云劉猛將廟宋景定間建廟

國朝雍正十二年令有司于冬至後三戌日正月十

三日致祭

金姑神廟在東岳廟西亦司蝗之神乾隆三十年

權知州事曹州府同知龔孫枝建

採訪

漕河神祠舊在天井牖上總河舒應龍移于運河

北岸所祠有諸湖神汶水神大河神洸水神泗水

神百泉神濟水神郡人李堯民有記

舊志



漕河神祠在濟寧州城南天井橋上不詳  
萬歷三十二年知州萬民命移于河東漕道  
府中祀東海之神漕河之神西瀆大淮北瀆  
濟洸泗汶沂百泉諸河橋垣堤堰各神有司  
秋致祭漕河神每歲正月上旬遷迎至  
井在城二廟先期該廟以分司命官行禮  
按漕河神與龍神祠分而門合今但知有龍  
神祠矣

龍神廟舊在南門外洪武二年同知劉大所建萬  
歷時尚書舒應龍移建於運河北岸

舊志

永樂元年知州李顯忠修兗州府舊志

宏治六年判官李賓重修泉河史

明盧輔重修龍神祠記畧濟城之南洸泗合流之濟有龍神廟起於元壬辰乃宋紹定五年金天興元年兗州軍節度使俊從元兵入汴過夏邑載神像而歸其得於陰佑者多矣至於濟乃漕河之襟喉又不能無望於靈佑者遂立祠於此崇其謚曰靈源宏濟王迄今二百餘年矣李侯敬之為蜀望族以銓曹來判是土職司水部隄防橋梁津渡邸舍亭郵咸以次繕理而民不



告勞因覩廟祠傾圯於是以漕河權貴之家  
貿易而漁民利者抑之使出貲自贖不期年  
材鳩工鼎新斯宇祠凡三楹左右廡六神門之  
宇亦三內塑像者五扁曰龍神廟今年秋歸  
思葺之興庸副望雲之思命車莫挽濟之士民  
懷其德不忍沒侯之善相與礪石囑余爲記

六年

按永樂宏治所修者在南門外今失其處

李堯民龍神祠記略濟寧故當漕艘孔道商民  
帆檣往來其地者無不乞靈龍神河神兩祠下

龍神舊祠湫隘不容旋馬而河神亦僅附報功祠前楹廟貌輕淺駿奔雜錯大司空粵西舒公奉璽書治河之明年一日覩兩祠闕狀廼謀之部使韓君陸君治兵使梅君龔君暨治河陳君唐君改建於城東南大河之陽檄萬守終始其事祠之門合而中分之左龍右河巋然對峙經營之需皆司空河緡民無所費不兩月告成

按今與龍神祠同門而對峙者爲文昌樓前爲天后宮求所謂漕河神祠不可得矣且傳亦不存神祠西有三官廟廟後有玉皇閣



平江伯祠

河神總祠在東小門外運河畔上南池之右康熙

六年總河楊茂勲建題請

勅封有記并題疏鐫石

舊志○按今爲金龍四大王廟

楊茂勲河神總廟碑記原夫山川之祀於望秩  
著其儀典禮之文以貍沉順其性所以昭百神  
之靈爽宣二氣之大用傳稱盛德易紀有孚由  
來尚矣故滎河表瑞則五老浮圖黃龍負舟則  
元圭標瑞應龍畫而伊闕鑿綠文授而延喜歸  
鼎鑄於金知鬼神之情狀簪墜不掇啟委宛之

金笥凡以免逢若於山林急憂勞於天下也是以浮泗浮淮表河海相通之概遷囂遷耿煩誕告三章之言周遷矜礫於長淮漢決金隄於陂子爰疏爰塞負薪奔命於其魚鳩工傭工無藉飛芻而輓粟蓋正以避水之害而未嘗計水之利也乃夫唐籌轉運卽江淮河渭而殊舟宋設四漕由南北東西而入汴泛澶濮泛曹滑埋牲加璧樞密乘傳而詣白馬之津徙棣州徙鄆州民困財疲學士憂心而慮大役之起引汶入濟與引汶絕濟未能免陸遞於東阿成山直沽



劉河直沽罕克恤費人於海運蓋雖分用乎水而運未全資於水也明鑿會通濟漕浮運

本朝定鼎運道因之我

皇上纘

太祖

太宗之鴻業丕紹

世祖章皇帝之令圖格于

皇天誕膺

景命五嶽四瀆咸秩無文簡釐百工授勲河務惟自夙夜罔敢卽寧歷豫踰徐過淮旋魯坐未及煖而

大浸稽天決于烟墩正河成陸相形入告塞決  
回河於寢興霜雪之中儼有啟翼景光之示不  
敢辭曰數也而不由於已饑已溺又焉敢忘曰  
祭也而不舉夫後海先河雖春祈秋報則有司  
存乃顯應朝宗分而未合爰卽南池亭右報功  
祠端捐貲鳩工以立廟請奉

旨勅賜頒帛降香

皇上懷柔之仁與神靈想望式靈之義得繫是焉於是前  
列牌坊大門五楹正殿維清翼以兩廡殿肅正位  
配殿列祀河神之凡當祀者戲樓拱於前煖壇



周於右東建茶廳爲更衣之所西設佳持爲廟  
祝之司輦如鳥革百泉滙萬派以潌洞金碧輝  
煌四瀆共三靈而協應入廟思敬瞻拜致誠異  
日黃流息其悍怒轉底墊於歸墟運道暢其文  
流化榮光於玉燭漕白安行於衽席民人和樂  
於桑麻則

帝德神功永式欽於河洛出雲澍雨長孚祐於邦家系以

樂章敬祈神聽 迎神金光爛兮九河蹴崑崙兮

揚波窈雲氣兮蓬萊宮經珠闕兮嵯峨神變化  
兮斯會欸洋洋兮經過 享神排闥闔兮九天

擘春風兮奏管竝援北斗兮桂漿潔粢盛於瓊  
田浴扶桑兮出日在玉衡兮璣璿琅玕青兮肅  
肅歌舞重兮翩翩通梯航兮萬國嚮遙而流  
連送神日將暮兮雲爲彩銀河倒捲兮風聲  
碧海榮河兮畏壘澹忘歸兮每每昭靈爽兮河  
漕肆安流以無待鑒庶無於罪悔長邀貺兮真  
宰

按碑記及題疏碑今在南池右金龍大王廟  
庭中東西並峙廟內中爲金龍大王像左有  
英猷侯蕭公像右爲順天王晏公像並



勅封又有靈佑襄濟黃大王牌新設

金龍四大王廟在天井牖北岸一在任城牖東

舊志

按右廟在天井牖署左與南池之右者不同

明陳文重建會通河天井牖金龍山神廟碑記

畧天井牖舊有金龍四大王廟一所積久頽毀

前總督漕運右叅將湯公節俾衛州官屬及郡

之義士捐資以更新之經始於正統戊辰十月

三日至臘月而廟成而神未有像會冬官主事

益都劉公讓來理牖事乃募往來之好義者助

緡循舊塑神像坐立者凡七位及門戶牕牖與

几席供具未備者劉公悉置新之予時總督浙江糧餉七十餘萬石載巨舫凡四千經是牐感神蔭相得以無虞於是謁神廟而拜之時牐官朱銘進曰常歲此河遇水泛滿牐版不可下下則版輒流去舟人守候凡十日半月不得過矣今水雖漲而版亦不流舟行如履坦途豈非有神祐乎考之元都水監丞張侯重建濟州會源牐旣成立河伯龍君祠八故都水少監馬之貞兵部尚書李奧魯赤中書斷事忙速剌之以迎休報勞而此廟未詳泐於何時今諸祠皆廢是



廟獨存或者謂卽龍君祠之一也助廟資者濟  
寧衛指揮使趙玘濟寧左衛指揮僉事王詠郡  
守廣信傅霖貳倅周勝張榮何永澄吏目鄭琚  
徐勉於法宜皆得書義士之助資者列諸碑陰  
云

按金龍山神之廟祀始明太祖元時未有也  
河伯龍君祠蓋龍神廟耳碑記謬

神姓謝諱緒行四錢塘安溪村人隱于金龍山  
德祐二年宋亡投茗水死明太祖取臨安見神  
金甲橫槊空中助戰其後擁護漕河屢著靈異

天啟四年詔封護國濟運金龍四大王

國朝康熙四十年總督河道張鵬翮奏請奉

旨加封顯佑通濟昭靈效順金龍四大王春秋致祭

通志

張家橋金龍山神廟

舊志

鄭與僑濟寧城東南張家橋築隄建廟碑記畧  
漕渠穿於唐武德間尉遲恭鎮盧龍時運道也  
其在濟境者惟泉是賴自有明宋尚書禮引汶  
灌濟以北引泗灌濟以南泉之涓滴皆軍國命  
脉所關故泉政益重泉水灌輸于漕則漕利泉  
水汗漫于野則漕病此濟郡河渠利病之大較



也濟寧東南三十里許曰張家橋蓋昔人跨梁  
於泗以通鄒滕之往來者按泗發源陪尾由兗  
南閱濟東至魯橋鎮與漕會其上源濶且深至  
張家橋河身狹而淺河岸薄而低夏秋間山水  
泛漲隄必潰澎湃之勢西奔不數里輒啗漕之  
東隄夫水不利漕而反啗漕防之遏之不待再  
計而決矣歲癸巳河決數十丈總河大司馬楊  
公亟檄運河丞李公治之不踰月而工成甲午  
復決繼李者爲佟公與郡侯韓公復加修築工  
較前益堅隄較前益厚於是河流順軌水盡歸

漕而民田亦大稔文學熊君謂人事盡矣仍當  
乞靈於神創建金龍四大王廟於隄上選材徵  
力成於衆善信者什之二文學自備者什之八  
廟成徵余言以記其事楊公名方興廣寧人李  
公名正華獻縣人佟公名養鉅遼東人韓公名  
威宣蒲州人熊君名夢兆暨督工濟寧衛管河  
官周君鐸米君養淳皆本州人

按尉遲無鎮盧  
龍事說見天井

牖

天后宮在天井牖河北乾隆三十一年總河李清  
時建三十二年奏請



御題靈昭恬順額

採訪

火神廟一在東門內郡人周品有記一在河東一

在南小門外一在東關

舊志

歲六月廿三日致祭司火之神

會典

馬神廟在城西北隅

舊志

廟在州治東北

兗州府舊志

歲九月一日致祭馬王之神

會典

旗纛廟在河督軍門署東四時秩祀里人徐日書

有記總河楊方興朱之錫楊茂勲苗澄俱有記會

典每歲九月初一日致祭軍牙六纛之神今州縣

于驚蟄霜降兩日祭之通志

女媧廟在古邾婁城內

承筐山下有女媧廟元和郡國志

風伯祠

亢父縣有女媧冢風伯祠魏書地理志

按風伯當是風后太昊之後與女媧皆風姓

也祠皆無考

禹王廟原在義井巷康熙初運河王有容移建南

門外舊為巡撫黃克纘生祠舊志

仲子廟在仲家淺後裔翰林院五經博士仲子



重修上金

蒲大夫卞仲子由字子路子亦作季少孔子九歲唐

追贈衛侯宋贈河內侯進衛公宋彝尊孔子弟子考

按嘉靖時總河劉天和重修夏言記

國朝康熙六年巡鹽御史顧公重修戴明說記

祠在城南四十里漢更始元年仲氏避赤眉亂

自泗水卞邑流寓濟寧建廟橫坊村今仲家淺

也世襲博士春秋主祭祀田一十九頃三十五

畝廟戶二十一兗州府舊志

崇正十六年詔授于陞翰林院五經博士子孫

世襲賜泗水縣濟寧州田六十餘頃戶三十一

以奉其祭祀焉

明史儒林傳

按今賦役書仲廟一則地六十頃二則地四

十四頃

明陳伯友仲子祠祭田記畧萬歷丁巳浙東大

中丞王公視河濟上

按舊志河道都察院題名王佐字翼卿浙江鄞縣人

萬歷癸未進士四十八年任  
乃此云丁巳則四十五年也  
一日謁仲子祠曰

廟貌新矣春秋禋祀犧牲粢盛安所從出仲氏

之裔有衣冠者數人前曰是予祖也族人醵金

而辦之固其分也夫安敢妄覲公曰是守土



之責乃捐俸爲易田若干畝永爲祭田其裔九

卿等俾予勒文以記

海鷗  
居集

沈荃重謁仲廟次韵贈仲太史于陞詩十年三  
度來過此喜見先賢廟貌新奕世衣冠知澤遠  
故交賓主劇情親高雲翠幙邾城暮短楫青楓  
泗水濱何日天涯重把臂還將溪藻肅明禋

朱彝尊謁先賢仲子廟詩光岳鍾青帝明禋配  
素王世家猶不泯俎豆儼成行力養嗟何及長

貧更可傷如聞琴瑟在千載感升堂

曝書  
亭集

任子祠在洸泗合流處祀先賢任不齊康熙五年

其裔孫進士孔昭具呈奉部重建後卽以孔昭配祀水部陸舜兗州府知府彭繩祖知州陳烜俱有

記舊志參家乘

楚任子不齊字子選唐贈任城伯宋贈當陽侯

孔子弟子考

按乾隆十九年知州王今遠請帑六百金重修康熙間奉祠生任銓任洪道今奉祠任世本任懷琴俱容部遞補宋真宗祥符元年幸魯遣吏部尚書陳堯叟致祭

國朝乾隆三十年三十六年四十一年三次



聖駕巡幸遣吏部侍郎范時綬內閣學士察善太常寺

正卿德爾泰致祭

濟寧州北鄉王武石婁等村有地一區碑曰任  
子祭田莫知所自始康熙五十一年清查地畝  
勘其田約十七頃有奇又得民間私隱者十八  
頃餘覓郡金守以私隱之十八頃給閔子端木  
子高子曹子樊子五賢之後上其議於藩司侯  
公撫院蔣公旣允行且以其地形窪瘠仍如舊  
例免其起科丙申冬予由總戎任巡撫復有州  
民鍾王等援開懇爲辭予飭查卷案一照原議

復酌租額豐歉定爲永制勒石垂遠以杜爭端

康熙五十八年李樹

德六賢祠田碑記

陳虹重建先賢任子廟碑記畧余於康熙七年  
四月來守濟按誌濟爲古任城任爲黃帝少子  
禹陽始封之地卽以爲姓歷唐虞夏商至周以  
太任興又封奚仲之後於薛薛任姓也別封伏  
羲之裔風姓於任故兩地皆有任姓春秋時任  
子不齊爲孔門七十二子之一雖史稱楚人蓋  
薛自齊宣時併於楚薛距濟僅四舍考厥源流  
產於濟而徙於薛有唐封爲任城伯殆原所自



云濟東郊舊有祠歲久蕩爲風烟其裔孫孔昭  
順治辛丑成進士興懷先祠傾圯欲重修葺遂  
呈禮部咨行撫軍查明特允所請於余履任之  
九月二十二日經始鼎造爲楹者四周界以垣  
不百日而工竣巍然巨觀以余有督理之責且  
分俸佐之徵言以記其事共襄其成者大宗伯  
外公庫祁公車白俱滿洲人梁公清標真定人  
黃公機錢塘人少宗伯布公顏察公不害常公  
鼎俱滿洲人董公安國遼陽人王公熙宛平人  
曹公申吉安邱人祠祭司正郎徐公旭齡錢塘

人黃公虞再伏羗人副郎徐公萬全遼陽人方  
伯施公天裔滿洲人徐公國相廣寧人郡太守  
彭公繩祖黃安人

高子祠在城東康熙初後裔生員高昭等重建採訪

衛士師齊高子柴字子羔左傳作季羔檀弓  
韓非子作子臯少

孔子三十歲家語作四十唐贈共伯宋贈共城侯鄭

康成曰衛人王應麟云後居於魯孔子弟子考

高子祠在州東二十里泗河岸俗呼其村曰高

廟明洪武間建今六十五代孫高哲奉祀兗州府舊

志



明陳際泰高氏族譜序畧余舟過濟上晤高君  
象覆有名諸生問語次及其先世之事因出譜  
牒示余曰此先子遺跡也子號能言請子有以  
弁之按濟之有高氏自子羔子昉也其歷代遷  
徙支派源源可數顯而著勛庸者亦復不少至  
係籍於濟則自明洪武始初不過一人今聚族  
而居者諸生至數十人爲濟上冠三百年間何  
以蕃衍若此此固子羔子德厚流光之效也昔  
嘉靖間壽俊謀重訂之徒築舍耳今象覆與其  
族之諸文學毅然成焉蓋時不至不立事不究

不成殆亦有天數乎又象覆云其族有在衛者  
潁者曹者於沛者亦如在濟若近聖之居斷當  
以濟爲正派矣

樊子祠在州東赧稼

一統志作郝家

村康熙中六十六代

奉祠孫樊賓修

兗州府舊志

魯樊子須字子遲少孔子三十六歲

家語作四十六唐

贈樊伯宋贈益都侯鄭康成曰齊人

孔子弟子考

曹子祠在州城外運河東岸康熙中六十九代奉

祠孫曹應詔修

兗州府舊志

蔡曹子卹字子循少孔子五十歲唐贈曹伯宋



贈上蔡侯

孔子弟子考

曹子後裔流寓任城馮段村南有祠故趾生員

曹文明呈學申州批查明彙申

舊志

### 鄭子祠在鄭莊

鄭子國字子徒唐贈滎陽伯宋贈胸山侯

孔子弟子

考○按鄭與僑遊淮隅記云鄭子海州人胸山海州境內之山也

鄭子闕里人設教任城東二十五里泗水之濱

因家焉今名鄭莊卒葬于村東一里許唐開元

二十七年立祠雍正三年奉部行查有七十七

代孫鄭其學給奉祠生照其學卒長孫支蕃嗣

家譜

宗聖祠在運河廳署西雍正初運河同知楊三炯

重建

望溪集

南武城曾子參字子輿少孔子四十六歲初仕于莒其後齊迎以相楚迎以令尹晉迎以上卿

唐開元中追贈郕伯宋大中祥符二年進瑑郕侯

政和元年改贈武城侯咸淳三年進郕國公元

至順中贈宗聖公

孔子弟子考

方苞別建曾子祠記雍正三年春苞赴京師道

濟寧友人楊三炯以兗郡丞督漕駐此始到官



寓署之西偏曰此曾子故居也聽事處卽正廟  
前吏者以署隘遷主於西城樓而宅之又于隙  
地治燕私之齋余將就其趾構數楹迎主定祀  
且延師召諸生講誦於此俾衆著於先賢之遺  
蹟而不敢廢焉舍故廟而別祠恐後之人狃於  
前事而不能保也秋九月以書來請記曰工訖  
矣余嘗謂道一而已而聖賢代興其操行之要  
與所示學者入德之方則必有爲前聖所未發  
者詩書易禮深微博奧非積學者不能徧觀而  
驟入也至孔子則所言皆平近顯易夫人可知

而六經之旨備焉至曾子傳大學揭慎獨之義  
俾學者隨事觸物而不容自欺所以直指人心  
道心之分而開孟子所謂幾希之端緒乃前之  
聖人所未發也其自稱曰吾日三省吾身卽慎  
獨之見於操行之實者耳夫見廟而思敬過墓  
而知哀苟有人心者莫不然也況入先賢之宮  
而有漠然無所興起者乎諸生誠切究夫省身  
慎獨之義則知功利之溺心詞章之蠹學而慨  
然有志於遠且大者而後之吏者自惟燕私之  
居別務廣而無窮而先賢祀享諸生講誦之地



盡取而不留一區其必有不得於心者矣此三

炯之志也

王樹書

陳子祠在城東古柳樹乾隆二十七年禮部准後

裔陳煥建卽以煥奉祠

文卷

陳陳子亢

說文作伉

字子禽少孔子四歲唐贈潁川

伯宋贈南頓侯

孔子弟子考

白衣尚書祠祀漢鄭均在城東十里大將橋

舊志

關帝廟在學宮之東北不知建於何時康熙二十

二年城東門內比屋延燒廟燬於火獨神像不燬

鬚髯畧無所損几案籤簿亦存居民聚觀相與嘆

異一時踴躍捐輸不數月廟貌重新其詳勒石廟門左牆壁乾隆三年僧人王汶璐勸捐重修今守土官春秋致祀朔望展謁皆此廟也一在南門甕城學正宋守塘有記一在東門內稍北一在河東大炭溝廟有鐵鼓知州萬民命郡人韓洪愈各有

記舊志采訪

王道亨濟寧州城內關帝廟捐置香火地園碑記從來有治民之責者不可不明于事神之義誠以神能庇民致敬於神卽所以致愛於民而神之能出其靈應以徵信於民孰有如關帝之



顯著者乎自畿甸以逮鄉僻無地不肖像而立  
之廟自卿尹以逮婦孺無人不瞻像而起其敬  
我

國家既崇其封號於帝復飭所在有司致祀祀典  
之隆至並於

先聖則守土之吏顧可不仰體斯意而益致其兢  
兢乎濟寧城廂內外舊有關帝廟四面城內東  
北一廟爲有司春秋致祀之所道亨每入廟展  
謁見其棟宇巍煥規制宏整心甚愜之至詢廟  
僧以香火所自出則云聽之祈禱之人竊惟事

神之道祇憑一誠誠之所在卽神之所在香火  
者所藉以將其誠者也彼民也適然有欲禱之  
事輒奉香火以入禱于廟若乃膺治民之責者  
不必躬入廟中凡夫事關民瘼無時不默自禱  
于方寸以祈神之庇佑是故兩祀之牲銓歲隆  
其儀也朔望之展謁月致其虔也惟茲時時默  
禱之衷苟非有旦夕弗忘之香火曷以自將其  
誠爰出廉俸五十爲倡州人士一時義輸共四  
百金置地園若干畝收其歲入以供香火而廟  
僧洒掃供役之貲亦於是取給或疑境內諸神



咸在祀典香火之奉奚獨于帝廟致虔不知諸  
神各有所司非其所司民弗敢瀆惟帝忠肝義  
胆生前未竟厥施沒而爲神發其久鬱之精氣  
以彌綸于宇宙以濟天下之民是以廟無地而  
不建人無事而不禱况濟寧爲舟車輻輳之地  
庶物蕃昌所望于帝之庇吾民者尤切但使九  
枝璀璨氤氲不歇守土之吏獲與吾民共沐神  
庥不亦快乎州人士尚其董率廟僧毋怠香火  
所置地畝永守而弗失焉可也

共置坡地十五  
畝七分四釐置

園地八畝九分七釐三毫俱坐  
落西三里營地方董家莊

雙忠祠在灌冢祀灌嬰與關壯繆祠有唐槐採訪

杜文貞公祠在南池之北乾隆戊辰巡漕御史沈

廷芳重建左壁有石刻小像

按國初總河楊方興曾重建久圯

沈廷芳南池杜文貞祠碑記惟濟寧州爲唐任

城縣城南有南池杜文貞公與許主簿遊處自

公題詩池上後之人爲堂爲齋爲亭爲榭爲庖

厨爲溜室橫以石梁蔭以嘉木聿爲名勝誠重

其蹟也按史公壯遊齊趙後以獻賦授官薊北

蠢動遂陷賊中旣羸服奔行在拜左拾遺疏救

房琯出爲華州司功棄官客秦州召補京兆功



曹不赴嚴武鎮蜀始表爲節度參謀檢校工部  
員外郎武薨離蜀由夔之衡竟卒耒陽平生遊  
歷半天下數嘗寇亂官處下位流落江湖而一  
飯不忘君國可謂初終挺節嶢然不汙與日月  
爭光者矣其自比稷卨宜哉公詩詣絕古今代  
稱詩聖先民謂詩人以來未有如公者卽南池  
一篇乃遊齊趙時作後世誦其詩履其地尚遲  
回不忍去則所以追崇公者宜何如耶乾隆九  
年廷芳承

古視潛山東弭節池上踐公遺躅益慕其爲人顧遊觀

盛美而祠祀闕如廼與知州王君爾鑑葺城隅  
舊宇肖像其中配以主簿作神弦歌祠公遂稽  
元代謚典顏曰杜文貞公祠十二年冬重來視  
漕載瞻祠廟歲月未幾漸就頽圯爰度基址鳩  
工庀材堂廡具成丹雘甫飾則移公像安焉更  
繪儒服小像笠子麻鞋刮石左壁諷古揭虔肅  
展牲醴公之神靈庶幾其妥於時州之大夫寮  
吏暨士人老民罔弗協志僉拜祠下曰社哉公  
魂若或戀茲矧在忠愛宜垂顯刻以昭後勸乃  
書樂石而繫以詩詩曰南池一泓氣接岱宗沆



泗水滙英靈所鍾唐邑任城簿公官此爰擢方  
舟爰燕國士繫文先生昕夕幽探一觴一詠以  
雅以南歷千餘載厥澤活活森木弗剪堂皇閣  
達我持寵旌遙集先生祠成齋祓祀事孔明惟  
神在天陟降茲地右我邦人毋俾蕉萃肅瞻其  
儀風閃靈旗愾焉餘慕行祖文師

隱拙集  
下全

### 沈廷芳請

賜唐臣杜甫祠額劄子欽惟

皇上治臻上理學集大成義畫重新萬世咸遵乎碩畫  
堯天丕煥九州被化於同文教以孝而勸以忠

恩施溥被報有功而崇有德典禮疊頒凡屬先代名賢  
靡不榮邀表著謹按史書所載胥稱杜甫爲賢  
永矢孤忠不行亮節才堪登用比稷契以何慙  
學有指歸豈陰何之可企卷帙長留於天地猶  
吐文光聲名昭揭於古今允稱詩史唯一飯不  
忘乎君國斯千秋永勵夫臣工惟是東郡登臨  
剩有講堂十笏南池憑弔曾無享宅一區地經  
歷任漕臣借爲行館臣幸疊膺

使命用設專祠定精爽之式憑庶流風之未墜念崇祀  
攸關鉅典必趨事之加虔而先賢宜被榮施謹



陳情而上達伏乞

皇上恩頒

御筆錫之匾額用永煥乎湖山俯念先賢功在斯文俾  
增輝於俎豆璇題高拱儼日月之照臨

寶翰昭垂有風雷之擁護則百爾之士咸深觀感之思  
於萬斯年永沐文明之化矣

沈廷芳謝

賜唐臣杜甫祠額劄子右臣於乾隆十三年三月初十

日拜

賜御書唐臣杜甫祠蓋臣詩史四字匾額於二十日到

濟望

闕謝

恩訖欽惟我

皇上日新盛德天縱多能廣錫忠誠典祀聿光筵几誕  
敷文教曩賢均被褒嘉凡沐浴綵綸具蒙敷闡  
竊惟唐臣杜甫忠根乎愛至情惟戀朝廷史寓  
於詩裁體實符風雅臣以宜崇秩享爲立專祠  
人因共勵廉頑得瞻法範爰陳詞以上請邀  
宸翰之寵頒彩綯天毫燦五緯三辰之色馥飛

寶墨萃六文八體之精燠



御額而恭懸蔭之華棟立翠珉而敬勒翼以高亭伏見  
麗日照回商雲捧護鸞翔鳳翥太平萬歲字當  
中螭繞龍蟠咫尺九重天在上群工拜頌益勉  
盡忱兆姓歡呼俱深感奮詎特

聖朝盛典洵稱歷代宏模粵稽羲畫以來惟

皇上御書爲第一歷溯葩經而後獨臣甫詩句號無雙  
乃萬幾猶念遺徽荷

恩榮之特表而四字真該大節藉

天語以彌彰從此

玉牒長輝東鰈西鵜齊仰正心歸聖學

金題永鎮岱宗濟濱更傳勝蹟在名區所有恭懸

御額敬立

御碑日期俟工竣另摺恭報謹先恭謝

天恩伏祈

睿鑒

臣

無任感激虔悚之至

沈廷芳杜文貞公祠歌吹瓊簫擊柷鼓燦金支樹

葆羽齊延望神來下髣髴兮公之來遊若桂旗兮

舉中流神靈有無兮胥肅穆風蕭蕭兮雲漠漠

迎神曲

四月維夏當人辰升桂堂兮布綺茵瑤席設兮

椒漿陳屢起舞兮進拜頻歌公詩兮公志信昔



憂國兮哀烝民兮福我民兮綿千春侑神曲

森木列兮石齒齒清一碧兮足春水神來駐兮

衆心喜噉牲醴兮奏笙簧闕堂宇兮徂中唐神

將歸兮白雲鄉復將陟兮下大荒願萬禩兮報

祀無我違兮來享送神曲

厲鶚拜杜少陵祠詩太息杜陵叟空垂萬古名

文章羈旅賤身世腐儒輕勝地跡猶在荒池風

自清迎神有新曲讀罷一含情

詞爲椒園所  
初有碑甚工

馮英廉題杜文貞公畫像詩丹山之桐枯而鳳

鳥孤飛玉山之禾死而騏驥常飢飢不能與驚

駘共樞孤不能與鴟鵂同棲萬事升沉向誰論  
今古茫茫付長恨君不見杜夫子稷契臯夔良  
可比功業勲名在何許耒陽城外三尺墳東陽  
手中一幅紙嗚呼東陽手中一幅紙

南池集

沈心南池杜文貞公祠詩微山橫影縈蠶絲延  
就亭畔黃流遲春秋詩國拓古縣風流結想開  
寶時逍遙野服樂游衍後先李杜曾來茲迄今  
太白飲酒處危樓城上連雲甍高文小篆記狂  
醉月明髣髴迴仙姿鳴蟬洗馬感晨露少陵  
佳處南池粼粼碧玉漾荷藻斜陽烟蔓眠殘



阿連到此問故蹟坐令憑弔增嗟咨身奉簡書適  
齊魯繡衣繡斧青驄馳公廨却喜任詩境柳陰隱  
約波通詞遙遙懷古意不盡雅騷會萃真吾師日  
服灰丸六腑暢夜看金字雙眸奇精誠交通要有  
自一生低首無窮期前脩墨點後世重此間何以  
闡崇祠吉日鳩工結棟宇大書榜額騰蛟螭飯顚  
戴笠太憔悴元綏盤帶昭官儀瓊漿蠶勺肅頂禮辦  
香靈魄其格思歌闕迎神送神曲冥契心事巫人  
知惟公瑤華佩至道方寸忠愛靡忘遺朝廷九門  
動征伐妻孥一室傷流離唐虞稷契本景運耒陽

牛肉千秋悲浣花溪遠緬曩昔欲就草堂難乞資  
如何清吟出偶耳曠代相感興華樞丈夫垂世豈  
寂寞奚必飛伏論雄雌名區架構兩擅勝翛然逸  
韻酒與詩南來尺素剖魚腹得聞盛舉懽且疑長  
貧那惜倒俸錢施手便已光文俾對牀聽雨尙違  
願草木可敬秋天涯閉門覓句我送老嘗藉膏馥  
充朝飢混茫真宰函衆妙末學詎易窺藩籬小船  
秋水入幽夢杜鵑聲急空江濳

孤石山房集

盛錦詩浣花遊蹟寄南池洗馬鳴蟬憶昔時過  
主名高三禮賦懷人心折八哀詩鑄同寶



呼佛繡作平原合買絲裱桶仰瞻如舊識爲會

親拜草堂祠

余曾謁浣花祠像

德保南池瞻謁杜工部像詩律細群推聖稱名

工部詩有云老去漸於詩律細

忻從池畔拜先生禮成早獻崇

功賦

獻三大禮賦

像古還傳愛國誠足蹟蹉跎多蜀

郡精魂寄託重任城 蓋臣詩史蒙 褒賞杜

老千秋感

定評

丁酉六月

南池杜祠卽事次韻詩南池垂勝蹟數日小淹

留水印藤蘿月樓開烟壑秋詩魏招客詠古貌

寫心憂徙倚雕欄外澄懷曲水流

李太白祠

任城令廳有李太白祠

錢希白南  
都新書

二賢祠元初所建者在任城縣治東北延祐時遷

太白樓西至正二年移建樓東

據碑

元曹元用二賢祠碑記士大夫當以氣為主氣盛者神完守固無施不可以匹夫之微任將相之重忠回人主勇奪三軍舉天下無足以撓其中者氣使之也苟無所養從政則惑交戰則劒爲孱懦爲柔佞爾消沮其克自存者幾希是故孟子誨人必以集義養氣爲事斯千萬世之



法言也若唐之賀季真李太白揆以時輩亦可  
謂有氣者矣季真清淡風流援筆成章世傳以  
爲寶爲集賢學士逆知天寶之亂黃冠而歸山  
陰太白才氣英特歌行之文橫被千載世未有  
及之者初見元宗論當時事帝甚重之手爲調  
羹詔供奉翰林後以奴使貴臣力士遭讒而出  
二賢尚氣如此則其所養可知已儻約以禮而  
制以義得行其道功烈未易量也惟其意與時  
乖放懷乎觴詠狹天地而隘古今翱翔物表浩  
乎自得昧者乃病其驚誕不羈豈知二賢哉初

季真爲任城宰太白作廳壁記述其善政今任城有二賢堂及太白酒樓按沈光酒樓記唐咸通辛巳歲所作惟二賢堂不知構于何時在任城縣治東北者故中書右丞冀公爲州時所築也後易縣治爲驛舍則其處汙穢不足以妥靈揭虔濟州判官趙義甫乃於南城巔之東太白樓百步更築堂以像二賢落成於延祐三年四月丁酉義甫勇于爲善廉勤不苟又後州治築室二十二楹塑周濂溪等十儒于州庠兩廡費不資公帑優游而集同知濟州事趙吉甫吏目



靖明叔吳君章皆詳雅吉士相與協謨僉贊以  
底于成嗚呼當唐開元天寶間握大權而享富  
貴者不可勝記今則雲收水釋磨滅無聞二賢  
於羈旅遊遨之地綿亘數百年而人祠祀瞻仰  
之肅然如在蓋養于中者厚及于外者溥也

元汪澤民二賢祠堂記濟州古任城也有太白  
樓二賢祠蓋新遷以祠唐李翰林賀賓客賓客  
嘗爲任城令翰林寄家東魯二賢素相知今立  
祠固其所哉考譜傳唐開元中李白遊雲夢至  
齊魯天寶初至長安太子賓客賀知章一見賞

其文呼爲謫仙人言於元宗詔供奉翰林尋懇  
求還山復之齊魯焉或傳於任城造酒樓其居  
在酒樓前邑人以重名望其里而加敬客金陵  
有寄東魯二稚子詩徵辭玩意或人之傳不誣  
開元十三年賀公禮部集賢兩命光寵後遷太  
子賓客授秘書監天寶初請還鄉里勅賜鏡湖  
而歸史傳不載爲任城令翰林稱其宰邑三歲  
再復魯道竊聽輿論記之於壁傳多疎訛當以  
記爲信然二賢初見長安賀公已遷賓客是作  
令時猶未之識也且辭退俱在天寶初任城之



會其當斯時與亦莫可考矣以賓客之賢而知翰林翰林識汾陽王於行伍間知鑒若此至於杯觴取適豈尋常昏營翹葉是託之倫耶宜乎去已久而奉祠不衰也樓據南城前瞻鳧繹周覽闐闐汶泗合流帶乎城闔南北舟車雲集輻輳過者罔不企慕慨嘆而去祠舊在任城縣治縣治改驛館祠遷南城東距太白樓百步後又益爲三楹局鐫灑掃亦旣嚴飭至正二年壬午雙泉楊公文書訥持節副憲山東道出任城謁祠慨然曰昔之酒樓迹固堙廢今樓名太白使

客燕賞于此而祠顧居西偏弗稱神棲乃命知  
州蔡君遷祠于樓左濟寧總管劉侯開之亟叶  
厥謀像設儼如采繪絢如面勢尊崇是宜是稱  
工旣畢功蔡君以郡侯命屬澤民爲之記嗟夫  
二賢之進退久速不同其傲睨人寰脫屣軒冕  
一也神遊人表豈獨眷眷於斯樓乎後之人仰  
止高風無以致嚮往之誠直因其宦遊居息之  
地而並祠之耳雙泉公可謂能尚賢者也家世  
濟美先中丞夏國襄愍公勲庸忠藎照耀簡冊  
公又以清操偉才歷臺憲向任山東僉事建元



山書院勉進學徒今是舉也將俾夫拜祠下者  
肅然如在足以消其皇皇聲利之心是亦廉頑  
立懦之意劉侯名承祖治郡廉能著聲蔡君名  
思叅政逢原之子知所敬尚咸可書也濟兗故  
魯郡今爲隣州澤民承乏于兗覩茲盛美遂不  
辭而書

明陳魯太白樓二賢祠重修喜賦四十韻

爲陳郡伯

汶水兼洸泗東西會一川靈分諸郡脉淑萃衆  
山泉北遶形如帶南流勢若弦文章關秀色直  
遂洩真源故老堪興溺今人輔頰傳城垣盤地

勢樓閣映星躔賀監曾任守長庚舊止賢正當  
歡飲處恰是共吟軒塑像稱宜爾瞻容尚宛然  
仰觀移日月俯視洞雲烟離照通江渺瀾光射  
眼前奎婁侵畫藻嶧岱插青蓮旺氣高鄒魯文  
明耀海寰固云昌運係尤爲盛名懸貴客矜詩  
聖遐方慕酒仙遙臨時駐馬肅禮日維船企仰  
催揮翰羨牆與接筵芳踪留萬禩同樂已千年  
歲久經風雨塵埋謝粉鉛有懷徒悵望無計共  
留連不禁雙眶濕應來四海憐乾坤冥主宰否  
泰暗循環良牧一朝到疲陬百廢全登臨生



歎展拜發精虔卜吉求能匠開囊出俸錢齊民  
心共悅當道志同堅龕座駢楠梓津泥取兌乾  
鑿胎兼美木和絮復香綿敷就衣冠古裝成金  
碧鮮嬉顏堪對語莊貌類逃禪遠峙宣尼舍密  
親杜甫氈旣新詩酒地宜續咏吟箋勝事歸歌  
頌能聲被管絃板酬樽再滿尚友月重圓政暇  
揮雄筆情豪綴大篇聚星須有賦遊客豈無聯  
逸興賀同調長材李並肩尤期懷煉石入待補  
旻天大厦扶霄壤賡歌讓後先人文皆不偶胥  
駕閭峰巔

浣筆泉二賢祠在城東門外浣筆泉上祀賀知章

李太白春秋秩祀

舊志

按祠在泉之北曾并祀少陵爲三賢祠見泉

河史

邵康節祠在邵家集康熙六十年重建

採訪

邵元燕記畧蜀山湖有邵夫子祠相傳夫子過

汶之魯曾憩息其間遂設講堂于蜀山之陽後

人卽爲祠以祀之自元開會通河瀦湖蓄水祠

旁地漸淪沒順治初巡撫方大猷令知州劉某

訪求遺跡將捐俸復之解任不果余叔士標亦



屢訪不得近年亢旱湖乾碑現百餘人撼之不  
動時吾族數人往視起之輕如葉載歸去其泥  
塗露邵夫子祠四字背有小字莫能辨於是鳩  
工重建索余記之

報功祠在南門東土阜上原祀尚書宋禮萊陽伯  
周長平江伯陳瑄侍郎金純有司春秋秩祀隆慶  
六年遣總河侍郎萬恭致祭

國朝康熙十六年總河靳輔于中央奉神禹而以諸  
賢配祀乾隆三十九年總河姚公增祀元明以後

有功諸臣

舊志參運  
河備覽

明萬恭重修報功祠記濟寧故任國也地當濟  
洸沂泗之交唐武德中尉遲敬德爲盧龍節度  
使苦北地餉道之絕乃開呂梁夫呂梁非孔子  
所舊觀龍門者尉遲以其險類真呂梁故藉名  
如東坡赤壁云遡四百里而上及任爲天井牖  
牖故尉遲公所建特堅緻不敗底石博厚專車  
刻云唐武德七年尉遲敬德建而今治河者誤  
爲元人分水創建者非也元肉食者鄙襲唐人  
之誤餉上都向天井而分水焉夫濟寧地聳與  
徐境山巔齊洶勢便形利矣乃仰視南旺地聳



又與太白樓岑齊邀水而逆諸南旺凡九十尺  
胡可分水宋司空則從南旺分流焉而古天井  
牖故在然委也非源也報功祠逆濟寧南門而  
峙沂泗流於右濟洸流於左皆滙于祠之前方  
折千二百里而入於安東注於海則報功祠實  
扼濟洸沂泗諸水而襟帶於任載祀典以報諸  
神乃宋司空而下治河諸臣之功無有佚墜隆  
慶壬申河敗餉道不支天子詔臣恭治水河平  
遂命臣恭禋報功祠將事徘徊蓋敗垣頽楹就  
圯矣余爲有司言此何以章國家之祀典而續

尉遲公宋司空之雄圖乃以壬申五月治河臣  
後祠六月治水神前庭七月治二碑亭八月治  
垣及門明年二月堙門河尋丈而堙之石隄奉  
諭祭報功祠文建亭而勒貞珉焉鳥革翬飛朱  
棟翠甍而濟洸增長沂泗增深矣二月坎河石  
灘適成汶水洋洋東奔觸祠如騰驤運船西馳  
掠祠如貫魚余乃登太白之樓俯南池之流亂  
沂泗迎汶濟顧張都水使者而嘆曰洋洋乎巍  
巍乎唐人創之無王會之盛元人繼之無建甍  
之便宋司空乃振長策招四方而侈王會居高



而建瓴水余與君復堙坎河役全汶以南浮長  
江大河之舟楫而帆檣萬里簫鼓揚波令唐人  
有遺算而元人無全功是祠也天壤俱弊可也  
遂刻石俟後來者考徵焉

靳輔重修濟寧州報功祠碑記畧濟寧州城南  
天井牖之東有祠曰報功祀宋康惠而下治河  
諸名臣於其中前代以來春秋薦馨不絕歲丁  
巳銜督河之命來駐任城仰瞻懷楸巡覽檐楹  
則皆傾圯不支敗礫朽椽寢爲無知者齷齪間  
物噫嘻是匪直貽先賢之恫爲後人之羞也而

濟之南郊故有禹廟三楹益湫隘而庳陋非所以崇永賴之報方低回周覽俄見道觀中有平江伯陳恭襄木主附列神几之上不覺嘆異隨亟謀所以更置者因念南旺禹廟僅存廢址而址較倍廣盍重建以還宏敞之規而移像於彼更葺茲三楹以移祀恭襄則神聖與名臣位置兩得矣又念禹之禋祀於濟也所從來久不可以廢也宜於報功祠之中央更立一主而諸賢次列于左右若四配十哲之於宣聖則諸賢直上繼隨刊之統矣詢諸僚吏僉曰善哉一舉而



三合宜焉莫不慨然協力首營茲祠相與運陶  
甃採堅良故其材不賦而具其役不發而集一  
撤其故而鼎新之凡兩閱歲而成又相與謀厥  
可久而屬余誌其始末云

按所云道觀者卽三官廟之玉皇閣舊志所  
云舊爲平江伯陳瑄祠後人建閣下祀陳平  
江上奉玉皇則固有祠矣後人改爲玉皇閣  
耳

姚公立德重修報功祠記

國家承元明之後定鼎燕京歲漕荆揚粟數百萬石

以實京師雲帆蔽空啣尾遞進刻期鱗集無敢  
後期此固

聖朝如天之福亘古未有豈人力也哉然會通河所資  
泗沭汶三水究其原委南北分馳又與御河漳  
水本不相屬乃能使之曲折以達範我馳驅如  
六轡之在手洵非人力不爲功有元中統以來  
經營圖度其細微不可殫述大約自引汶入沭  
以益泗漕餉蘄宿之兵而江淮之舟楫通從任  
城鑿河達安民引沭入清濟故瀆既又從安民  
鑿河達御河而推輓之勞省至明改分水口於



南旺而轉漕益利若夫從清口入河溯流至徐州之呂梁入運歷洪濤之險七百里牽挽之勞百倍於今自泇河開而避黃流之險者三百里阜河中河繼開而絕河亂流萬斛之舟直從枕席過謂非元明以來及我

朝諸公創議經營胼胝之力哉濟州據南北之中爲泗汶洸濟水之交替河使者之治所舊有報功祠創建不知所始前明隆慶六年曾勅總河侍郎萬恭致祭且重修立碑記事蓋祀宋尚書周萊陽陳平江金侍郎四人而已

國朝康熙丁巳靳文襄公又重爲整理奉神禹木主於中而以治河諸臣爲配亦以宋尚書爲首夫改移分水口於南旺其功於會通誠爲第一然非元人創基於前尚書亦未能成此巨伐也洳河之議始明之隆慶屢興屢阻歷二十餘年而功始成塹山剡石引泗合沂爲功艱且鉅前人任其勞後人享其利且阜河中河踵事者亦易爲力矣寧可忘其所自哉祠自文襄至今幾百年其中雖亦間有修治不免因陋就簡歲在甲午余與運河兵備使吳江陸公始捐金撤而新



之奉神禹於前殿又徵諸故籍考求本末增祀  
有元以來迄於我

朝凡有功可錄者若而人記云法施於民則祀之以  
死勤事則祀之諸公蓋無愧焉或曰唐尉遲敬  
德爲盧龍節度使實引泗出呂梁通汴武德七  
年建天井牖由汶入濟故瀆以饗遼海之師元  
人會源牖之建卽踵其故迹故萬侍郎報功祠  
碑以鄂公宋尚書之雄圖並稱今何不及曰萬  
侍郎雖有是說而報功之祀當時無名且鄂公  
建功於盧龍與上都無涉會通河之功自元人

始則祀典亦斷自元人又何疑焉

陳恭襄侯祠在南門外河干

據碑記

靳輔重修碑記畧歲丁巳余奉命視河時以淮揚昏墊孔亟故胼胝畚鍤率頓轡淮陰者十之九諦觀堰隄陂障諸往蹟竊嘆恭襄公緯繹之懋而淮之民崇公廟貌以尸祝者至今無替云至濟城爲舡航上游昔之遡神功者旣建有禹王一廟又以公之有勲於北河也亦築公祠於南郭之澣所由來矣逮余省工南旺見其地復有禹廟一楹視濟宇恢廓有加然而黍離茂草



之感則兩地三構畧同一揆良有足慨者且南  
旺之禹廟所奉惟木主而已至濟湄之廟祠則  
皆有像以祀者而今乃或暴霜露或寄精藍視  
蒼鼠古瓦之感不更異耶茲度南旺之宮廷舊  
制猶偉因輝其橈棟并迎濟像而妥之其公之  
故祠舉斷碣頽垣已無遺蹟於是以故廟之址  
改爲公祠更新其櫨題以奉公像則庶幾神靈  
草莽之感其或可稍慰乎

按祠今無考蓋去報功祠亦不遠也

黃公克纘祠在南門外後改爲禹王廟

據舊志

明陳伯友巡撫鍾梅黃公生祠記黃公撫東人  
凡十餘年遷南大司馬以去過濟上父老子弟  
擁而感嘆相與環扳不得行已乃留其衣冠建  
祠于南門河干朝夕尸而祝之蓋落成于癸丑  
云至是乃請記于余余惟公重臣也凡牧民者  
功施一方則易于見德以重臣而流膏布惠且  
遍六郡蓋功溥而德不足言也奚狎于濟而祝  
之爲雨露無私濡日月無私照而人卒不知雨  
露日月之爲德者忘之也以濟一州而區區焉  
設祠肖像也無乃隘公乎雖然人不德雨露也



而當大旱之秋獨沾潤漑則雨露之德見人不  
德日月也而當久翳之餘忽耀光明則日月之  
德見公非私濟而濟于困瘁之中賴公生全是  
亦大旱之雨露久翳之日月也則祠非妄設已  
方河伯不靖黃灌南陽濟三十里外卽成巨壑  
澤洞浩渺會通中斷漕艘占風而進平地溺米  
無算總河大司空咨議濬朱旺口以洩下流派  
夫二十萬人經費八十萬兩泗上諸郡縣應任  
其半而濟爲大司空駐節之地首聞是役人人  
失色若蚊之負山而公卽走濟上與司空會議

派夫借鋤犁然有條而公又曰無鋤是無河也而無民是無鋤也奈何以軍國大計獨累一州乃通檄六郡未派夫州縣各輸鋤若干緡無碍銀不足變倉穀補之解赴河工爲幫貼費當是時大司空沉璧于水而率各長吏親爲負薪經半載而工乃竣然工竣而濟之子婦室家尚得完聚者誰之力也自權稅之議興稅璫陳增負蝟于徐擇肉而食濟控南北咽喉貿遷要會頓河居民借商賈餘潤以爲命者無慮數千家增以過稅爲名遣官舍叅隨遍行抽取他處無論



卽濟四關市廛之地豎旗立榜持杖而呼者數  
百人自舟航車馬之所載以迨鷄豚蔬薪之細  
罔不察及不則徑奪之矣民驚而走幾乎罷市  
公具疏言礦稅未有停期歸併事當速議將各  
州縣包納礦稅六萬兩蒲臺鹽稅泰山香稅各  
包三千兩酌議既定得俞旨按季徵解而稅棍  
乃撤又數年增乃死使無是議民不勝其荼毒  
濟必大亂是稅雖未卽止而濟之間巷市肆尚  
得無恙者誰之力也至其他如禁斗稅以止科  
索調問架以蘇橫歛恤饑饉以救災禳之類種

種不可殫述而獨其大役不偏累則濟始不至  
沉爲魚鰲而保其皮骨虎冠不橫噬則濟始不  
至啗爲魚肉而遺有殘喘則公所造德于濟而  
濟之銜德不置者茲二者其大已然茲二者匪  
獨爲濟也而濟當此時受困獨至而望拯獨切  
一有以拯之是何異大旱之雨露而久翳之日  
月也歟雖然造德無心惟其普也被德者有心  
受其庇也公無心造德而濟人德之觀濟人而  
六郡人概可知也余濟人也知其德之在濟者

爾

海鷗  
居集



張公祠在報功祠東今無考見舊志張國維傳

靳文襄公祠在天井牖康熙四十二年建幕友兵

備道銜陳潢配享採訪

李公祠在遊府後街爲知州李順昌建據碑

趙公祠在南門外河南濟陽會館祀知州趙之鶴

肖像摹石採訪

總河李公祠在龍神廟內旁祀總河李清時乾隆

三十三年運河道今總制姚公立德率屬建捐銀

三百兩生息以備祭採訪

姚立德李公祠記

國朝以治河稱最者首推靳文襄公繼則張清恪公  
靳公之績詳於黃張公之績詳於運是以居濟  
一得之書遂爲運河圭臬而私淑清恪之傳者  
則惟安溪李公公任運河道最久沉潛寢食其  
中又多心得師其意而不泥其辭如減何家埧  
以洩汶水之盛漲也添建滾水埧落低三空橋  
以洩河西州邑之水也移金線于柳林之北以  
濟北運也展寬四女寺埧以洩衛河之漲也此  
其犖犖大者其餘善政不可一二數公嘗書座  
右曰有水濟運無水淹田帑不虛糜功歸實用



四語盡之矣曾守嘉興兗州二府有遺愛茲不  
具論在河道九年調淮徐道旋擢河東河道總  
督在任三年調山東巡撫卒於官而余在運河  
道時受公知最深謬承針芥之合遂倡率捐金  
建公祠於龍神廟內之前西向肖像其中四月  
工竣又捐百金存質庫收其子金以爲歲時祭  
祀之費及余遷淮徐後由山東按察司來任今  
職時以不克繼公之績爲懼而典型猶在未嘗  
不黽勉步趨竊嘗考有明以來名臣如陳公瑄  
張公國維之祠久廢皆不可問恐後之視今亦

猶今之視昔也遂追爲此記勒石祠內俾後人有所攷云乾隆四十三年六月某日記

司馬祠在城西南司家莊祀先賢司馬牛裔孫司

馬恒修

補遺



○金鄉縣

風雲雷雨山川壇在縣城南明洪武二年縣丞李

瑾建成化十七年知縣盛德修

兗州府志  
卷縣志

社稷壇明洪武十七年知縣范士廉建在縣治西

成化十六年知縣盛德改建西郊外

邑厲壇在縣城北明洪武十七年建成化十六年

改建有石刻明太祖御製祭文一通

明太祖御製祭文某官遵承禮部劄付爲祭祀

本縣闔境無祀鬼神事欽奉聖旨普天之下后

土之上無不有人無不有鬼神人鬼之道幽明

雖殊其理則一故天下之廣兆民之衆必立君  
以主之君總其大又設官分職於府州縣以各  
長之各府州縣又於每一百戶內設一里長以  
率領之上下之職紀綱不紊此治人之法如此  
天子祭天地神祇及天下山川王國各府州縣  
祭境內山川及祀典神祇庶民祭其祖先及里  
社土穀之神上下之禮各有等第此事神之道  
如此尚念冥冥之中無祀鬼神昔爲生民未知  
何故而歿其間有遭兵刃而橫傷者有死於水  
火盜賊者有被人取財而逼死者有被人強奪



妻妾而死者有遭刑禍而負屈死者有天災流行而疫死者有爲猛獸毒蟲所害者有爲飢餓凍死者有因戰鬪而殞身者有因危急而自縊者有因墻屋傾頽而壓死者有死後無子孫者此等鬼魂或終於前代或沒於近世或兵戈擾攘流離他鄉或人烟斷絕久缺其祭祀姓名泯沒於一時祀典無聞而不載此等孤魂死無所依精魄未散結爲陰靈或依草附木或作爲妖恠悲號於星月之下呻吟於風雨之時凡遇人間節令心思陽世魂杳杳以無歸身墮沉淪意

懸懸而望祭興言及此憐其慘悽故敕天下有  
司依時饗祭在京都有泰厲之祭在王國有國  
厲之祭在各府州有郡厲之祭在各縣有邑厲  
之祭在一里又各有鄉厲之祭期於神依人而  
血食人敬神而知禮仍命本處城隍以主此祭  
欽奉如此今某等不敢有違謹設壇於城北以  
某月日置備牲醴羹飯專祭本縣闔境無祀鬼  
神等衆靈其不昧來饗此祭凡我一縣境內人  
民倘有忤逆不孝不敬六親者有奸盜詐僞不  
畏公法者有抑曲作直欺壓良善者有惡逆差



徭靠損貧戶者似此頑惡姦邪不良之徒神必  
報於城隍發露其事使遭官府輕則笞決杖斷  
不得號爲良民重則徒流絞斬不得生還鄉里  
若事未發露必遭陰譴使舉家並染瘟疫六畜  
田蠶不利如有孝順父母和睦親族畏懼官府  
遵守禮法不作非爲良善正直之人神必達之  
城隍陰加護佑使其家道安和農事順序父母  
妻子保守鄉里我等闔縣官吏人等如有上欺  
朝廷下枉良善貪財作弊蠹政害民者靈必無

私一  
昭報

關帝廟在舊東關外

國朝順治三年移縣治南西司東壽官墓志孔建知

縣麥子淳重修

城隍廟在縣治東明洪武十七年建

馬神廟在縣治西明宣德八年建

八蜡廟在縣城東春城埠上景泰六年主簿方伯

輝建

真武廟在北關外元至元元年建明景泰元年主

簿方伯輝重建

范張祠舊在城東祀范式張邵明成化十六年知



縣盛德建萬歷六年邑人郭東藩移建東門外請  
於撫臺令有司奉祀祭用仲春仲秋戊日

郭東藩記金鄉故有范張祠在春城堙者乃卽  
浮屠氏之舊宇撤去佛像以二君處其中故其  
地尚有闕侯廟在焉前此相傳鷄黍村有遺址  
蓋未嘗躬拜其祠下郡志載范君墓在嘉祥南  
二十五里大鼎山前蒼莽蒿目今皆不可考矣  
金鄉旣以雞黍名其村又以名其社流風薰被  
歷千萬載如一日也若范蔚宗稱列獨行之紀  
述范君事尤諄諄祈嚮焉顧其鄉祠湮沒使好

古君子無從謁禮後學士人靡所瞻依予每私  
竊慨嘆焉然春城堙不列通衢前祠未入祀典  
宜其一廢而無復興之者夫士太上立德其次  
立功其次立言皆有裨世教義得食報於鄉若  
二君之精誠義氣注結流通若有鬼神以通其  
機實非賢智可方其軌然正氣在兩間卽化育  
流行物與無妄第染僞習偷始肝膽而燕秦也  
惟倜儻瑰瑋之士真純精一不失故吾故其軌  
行卓絕易地皆然以事君則爲抗節殺身之忠  
以事親則爲投魚搯臂之孝以兄弟則爲酒



刻印之誠以夫婦則爲斷腕把袂之節其視二  
君之雞黍爲歡冕纓見夢及撫棺一痛卽恬然  
就窆均之能脫形骸齊死生動天地若共條貫  
而合符節者五倫有二理乎如二君卽所謂太  
上之立德者非耶當之食報宜矣專祠之建詎  
可已乎予謀於東關廂適中之所度其四達而  
爽塏者畫地一區諭諸二三同志乃邑庠生莫  
守智胡汝槐郭東井郭金城省祭張漢臣承羞  
郭戟各捐貲儲財協力鳩工以戊寅年二月上  
浣之吉先建正廳表以崇門週以長垣漸次修

治務底成績先是大中丞汝南汝泉趙公奉揚  
今上休命憑軾周覽痛抑靡文所有撫釐事宜  
悉皆面諭條舉風蠹一清視故事身居坐鎮文  
移遙制者奚啻逕庭耶乃道經所謂雞黍村者  
訪問遺墟懷古興思遂援筆爲建祠之檄比檄  
下會祠工業有成緒矣縣具由以報卽以祀典  
議上公爲可其議春秋隨二丁之後仍著爲令  
又量發公儲助之邑侯商邱知江楊公乃委任  
責成時時省視功遂告竣是祠之興予雖仰企  
芳烈激中有素成此風志向非有大中丞之命



與我邑侯之加意恐盡盡焉信疑相半矣烏能  
輒收功效抑道義之軌靈貺有感召者與予又  
聞鄭之圃澤多賢東里多才其風所趨異也故  
聞輦鼓之聲者奮騰揚之志聆清廟之奏者想  
韶護之音觀視之足以移人猶負陽舉足而求  
景與迹也今二君之祠旣成儀型昭矣又恐拜  
祠下者不能睹記其行事并錄獨行傳勒之廳  
壁以便觀覽此後當必有翻然興起者詎曰供  
讌遊資具瞻云乎哉予姑誌其始末列其姓氏  
用告後人俾率由無替若大中丞之景賢厚俗

我邑侯之舉廢崇德顧侯大君子載筆紀之使  
觀風者有所採錄云

石將軍廟在儒學前元至元十年建石像高七尺  
戎衣撫劍不知爲誰或云元忠義總管石珪

盛公祠在縣南三十里明天啟時知縣李國泰建  
義烈女祠在縣西門外迤北康熙三十年建

周格金鄉義烈女碑記略明崇正甲申之三月

流寇殘京師海內如沸凡蟻聚之衆莫不乘機

肆其攻掠東南所至蹂躪無完土金鄉以

邑瀕水陸之衝勢在不保是月十六日有妖



賊翻天鷄者屯騎西門外佯稱闖官安民時人情洶洶罔知所措幾欲啟關延之義烈女者初  
不詳其所自以被擄置前行忽揮守者揚言曰  
狂賊給汝速閉門毋取屠戮語未訖賊怒手刃  
之濠邊於是城上益嚴備禦砲矢爭發賊尋驚  
潰去全城賴以無恙康熙壬申距義烈之死已  
五十年父老及見者猶往往追道救城事且揮  
涕曰恨向當喪亂藁葬匆匆卽今欲求抔土所  
在已湮沒不可得矣況其里居姓氏之若疑若  
信者哉一時聞之咸相咨嗟嘆息不能釋諸懷

抱爰謀所以祀之者得請於官春三月建祠西城外卽其捐生之處也越七年復議勒石以垂不朽女子稱義烈蓋私諡云

知縣沈淵碑陰記義烈女者臨清衛馬坊屯

地屬

濟寧車戶馬思敬女也年十九州志有傳

貞姑邵氏廟在縣西北柳園村祀南武城魯秋胡妻明嘉靖時建萬歷時重修

廟本在平山禱雨輒應有元時夏主簿碑記明

嘉靖時金鄉柳園村民邵氏修宅掘地得碑卽

夏主簿平山記也重爲立廟萬歷時知縣彭鯤



化復新之而爲之記平山之碑本在嘉祥而碑忽潛移於金邑且在邵氏咸以爲神又謂秋胡義不再娶曾並記之輒有風雷之變因卽爲專

祠云

據縣志

○嘉祥縣

風雲雷雨山川壇在縣南三里澹臺山下明洪武

八年知縣葉得全建

兗州府志下全

社稷壇在縣西七里小青山下

先農壇在縣東門外

府志無

邑厲壇在縣北門外萌山之下

城隍廟在縣東萌山之陽明洪武二年主簿楊宏  
建天順七年知縣張慶重修

馬神廟在縣治東明宣德六年主簿張敬昭建  
八蜡廟無考

伏羲廟在縣西垞山之陰金大定十五年李平重  
建邑人宋子貞爲記

萊蕪侯廟在宗聖廟西春秋祀享如啟聖公

按曾哲宋大中祥符二年封萊蕪侯

曾子廟在縣南四十五里南武山正德九年建

姚思仁謁曾子祠詩武城濛濛舊臺荒闕祀長



臨大道旁伏臘村翁空里社東南文物足冠裳  
天垂象緯虹猶赤地劃經文玉自黃誰謂賢關  
那可到自憐堂奧得廻翔

子游祠在縣南四十五里崩山西成化間知縣武  
英改建於獨坐山之麓今廢止存碑

五賢祠在城隍廟西中奉曾子子游澹臺子黔子  
高萬歷間建

崇祐廟在縣南十五里青山之陰有漢建寧元年  
碑著其靈應號青山君晉永安間奉車都尉金鄉  
申宏立石爲頌宋崇寧元年勅賜其廟爲崇祐封

靈應侯宣和三年加封爲惠濟公宋元以來禱雨  
祈晴感應如響至正元年縣尹劉敬嘗重修之明  
宣德間知縣閔傑亦嘗修焉金人趙衡正元人蘇  
若思明人曹鼎俱有碑記

宋謝文琮題靈應廟詩憫雨餘三月禱之奚不  
勤自宮以徂廟官僚咸駿奔陰雲從北來溟渤  
欲併吞風伯逞豪強一扇四紛紛火雲復得意  
烈日不可存穀苗枯欲死農夫愁莫分太守號  
民牧如何誠不聞閏五月初十齋戒絕羶葷三  
鼓走青山精意求其仙寧應夙有靈意已達諸



神雷電驅雲師風雨來逡巡是夕大澍沛盈尺  
遠近均不待太守至惠澤沾斯民斯民蒙侯恩  
何以報其仁太守脫罪戾何以謝穹旻謹躬詣  
祠下再拜陳其因仰戴神明威悃悃辭不文  
范公祠在縣南二十里祀漢范式

郝公祠在縣東南七里郝城左祀晉太尉郝鑒

平山廟在縣南五十里平山上相傳魯秋胡妻邵

氏以貞烈爲神祈雨輒應山下戊戌鄉居民多邵

姓云卽氏族裔也

按戊戌鄉跨金鄉嘉魚  
二邑在金鄉西北界

昭惠靈顯真君廟在縣南五十五里蕭氏山前元

統元年朔今毀

翁翁廟在范山右延祐五年百戶楊壯建水旱禱之輒應儒士馬鬲記其事今毀

○魚臺縣

風雲雷雨山川壇在北門外

兗州府志下全

社稷壇在南門外

先農壇在東門外

邑厲壇在西門外

文廟在縣東北隅

關帝廟在西門內



城隍廟在文廟東

八蜡廟在西門外

以上新建

馬神廟在舊治馬厰東洪武時建

此條縣志

龍神廟在舊治東郭外

新河水神廟在南陽鎮明尚書朱衡都御史潘季

馴鑿夏鎮新河既成創建

火神廟一在舊治南門外明正德十二年建一在

新城南門外

伏羲廟在島山麓廟後有塚塚東有畫卦山

大禹廟在陽鎮



大禹疏濬

州縣志云禹山數嶺皆以澤水為名

澤水南門

大禹疏濬澤水南門以肥五湖十二平黎一

澤水南門

澤水南門

澤水南門

澤水南門

澤水南門

澤水南門



